

十地品

大方廣佛華嚴經卷第三十四

(以下是十地品經文的大分科：

- 一、序分；
- 二、三昧分；
- 三、加分；
- 四、起分；
- 五、本分(列十名以顯地相、顯十方同說歎地要勝)；
- 六、請分(三家五請)
- 七、說分(詳說十地之位行、位果)(8冊 p1325~9冊 p1676)
- 八、地影像分(以池、山、海、珠四種喻，說明阿含德(前2)，證德(後2))
- 九、地利益分(顯法利益中，有生信功德及供養功德)
- 十、地重頌分

一、序分

爾時，世尊在他化自在天王宮，摩尼寶藏殿，與大菩薩眾俱。
其諸菩薩皆於阿耨多羅三藐三菩提不退轉，悉從他方世界來集；

(歎來集菩薩之勝德)

住一切菩薩智所住境，入一切如來智所入處；
勤行不息，善能示現種種神通；諸所作事，教化調伏一切眾生而不失時；
為成菩薩一切大願，於一切世、一切劫、一切剎，勤修諸行，無暫懈怠；
具足菩薩福智助道，普益眾生而恆不匱；
到一切菩薩智慧方便究竟彼岸，示入生死及以涅槃而不廢捨；
修菩薩行，善入一切菩薩禪定、解脫三昧、三摩鉢底、神通明智，諸所
施為皆得自在；
獲一切菩薩自在神力，於一念頃無所動作，悉能往詣一切如來道場眾會，
為眾上首，請佛說法，護持諸佛正法之輪；
以廣大心供養承事一切諸佛，常勤修習一切菩薩所行事業；
其身普現一切世間，其音普及十方法界，心智無礙，普見三世；
一切菩薩所有功德悉已修行而得圓滿，於不可說劫說不能盡。

(依德列名，前 38 名同名藏，表(1)地法含眾德出生果用，(2)根本智；
最後為「解脫月」，表(1)脫眾疑暗使清涼，(2)後得智)

其名曰：

金剛藏菩薩、寶藏菩薩、蓮華藏菩薩、德藏菩薩、蓮華德藏菩薩、日藏菩薩、蘇利耶藏菩薩、無垢月藏菩薩、於一切國土普現莊嚴藏菩薩、毘盧遮那智藏菩薩、妙德藏菩薩、栴檀德藏菩薩、華德藏菩薩、俱蘇摩德藏菩薩、優鉢羅德藏菩薩、天德藏菩薩、福德藏菩薩、無礙清淨智德藏菩薩、功德藏菩薩、那羅延德藏菩薩、無垢藏菩薩、離垢藏菩薩、種種辯才莊嚴藏菩薩、大光明網藏菩薩、淨威德光明王藏菩薩、金莊嚴大功德光明王藏菩薩、一切相莊嚴淨德藏菩薩、金剛焰德相莊嚴藏菩薩、光明焰藏菩薩、星宿王光照藏菩薩、虛空無礙智藏菩薩、妙音無礙藏菩薩、陀羅尼功德持一切眾生願藏菩薩、海莊嚴藏菩薩、須彌德藏菩薩、淨一切功德藏菩薩、如來藏菩薩、佛德藏菩薩、**解脫月菩薩**.....。如是等無數無量、無邊無等、不可數、不可稱、不可思、不可量、不可說諸菩薩摩訶薩眾，金剛藏菩薩而為上首。

二、三昧分

爾時，**金剛藏**菩薩承佛神力，入**菩薩大智慧光明三昧**。

三、加分

入是三昧已，即時**十方各過十億**佛剎微塵數**世界外**，各有十億佛剎微塵數諸佛，

同名：金剛藏，而現其前，作如是言：

「善哉善哉！金剛藏！乃能入是菩薩大智慧光明三昧。善男子！此是十方各十億佛剎微塵數諸佛共加於汝，以毘盧遮那如來、應、正等覺本願力故，威神力故，亦是汝勝智力故，

(依自利行，諸佛加被，有 10 句)

欲令汝為一切菩薩說不思議諸佛法光明故。所謂令人智地故，攝一切善根故，善揀擇一切佛法故，廣知諸法故，善能說法故，無分別智清淨故一切世法不染故，出世善根清淨故，得不思議智境界故，得一切智人智境界故

(依利他行，諸佛加被，有 10 句)

又令得菩薩十地始終故，如實說菩薩十地差別相故，緣念一切佛法故，修習分別無漏法故，善選擇觀察大智光明巧莊嚴故，善入決定智門故，隨所住處次第顯說無所畏故，得無礙辯才光明故，住大辯才地善決定故，憶念菩薩心不忘失故，成熟一切眾生界故，能遍至一切處決定開悟故。

(諸佛口加被，11 句)

善男子！汝當辯說此法門差別善巧法。

所謂：承佛神力如來智明所加故，淨自善根故，普淨法界故，普攝眾生故，深入法身、智身故，受一切佛灌頂故，得一切世間最高大身故，超一切世間道故，清淨出世善根故，滿足一切智智故。」

(諸佛意加被，10 句)

爾時，十方諸佛與金剛藏菩薩無能映奪身，與無礙樂說辯，與善分別清淨智，與善憶念不忘力，與善決定明瞭慧，與至一切處開悟智，與成道自在力，與如來無所畏，與一切智人觀察分別諸法門辯才智，與一切如來上妙身、語、意具足莊嚴。

何以故？得此三昧法如是故，本願所起故，善淨深心故，善淨智輪故，善積集助道故，善修治所作故，念其無量法器故，知其清淨信解故，得無錯謬總持故，法界智印善印故。

(諸佛身加被=摩金剛藏之頂)

爾時，十方諸佛各伸右手摩金剛藏菩薩頂。

四、起分

摩頂已，金剛藏菩薩從三昧起，

五、本分，略示綱要，列十地名

普告一切菩薩眾言：

「諸佛子！諸菩薩願善決定，無雜不可見，廣大如法界，究竟如虛空，盡未來際遍一切佛刹，救護一切眾生，為一切諸佛所護，入過去、未來、現在諸佛智地。

(十種菩薩智地之名)

佛子！何等為菩薩摩訶薩智地？佛子！菩薩摩訶薩智地有十種，過去、未來、現在諸佛，已說、當說、今說；我亦如是說。何等為十？一者歡喜地，二者離垢地，三者發光地，四者焰慧地，五者難勝地，六者現前地，七者遠行地，八者不動地，九者善慧地，十者法雲地。

佛子！此菩薩十地，三世諸佛已說、當說、今說。佛子！我不見有諸佛國土，其中如來不說此十地者。何以故？此是菩薩摩訶薩向菩提最上道，亦是清淨法光明門，所謂：分別演說菩薩諸地。佛子！此處不可思議，所謂諸菩薩隨證智。」

六、請分，三家五請

(金剛藏說已默住)

爾時，金剛藏菩薩說此菩薩十地名已，默然而住，不復分別。

(三家五請；三家為：大眾、解脫月、如來。

1. 大眾首所請有三請，順世儀正得中故，以止有三，抑揚當時，調伏機
2. 二家助成，各有一請)

是時，一切菩薩眾聞菩薩十地名，不聞解釋，咸生渴仰，作如是念：「何因何緣，金剛藏菩薩唯說菩薩十地名而不解釋？」

1 解脫月菩薩知諸大眾心之所念，以頌問金剛藏菩薩曰：

「何故淨覺人，念智功德具，說諸上妙地，有力不解釋？
一切咸決定，勇猛無怯弱，何故說地名，而不為開演？
諸地妙義趣，此眾皆欲聞，其心無怯弱，願為分別說！
眾會悉清淨，離懈怠嚴潔，能堅固不動，具功德智慧。
相視咸恭敬，一切悉專仰，如蜂念好蜜，如渴思甘露。」

(金剛藏:法深難受而止)

爾時，大智無所畏金剛藏菩薩聞說是已，欲令眾會心歡喜故，為諸佛子而說頌言：

「菩薩行地事，最上諸佛本，顯示分別說，第一希有難。
微細難可見，離念超心地，出生佛境界，聞者悉迷惑。
持心如金剛，深信佛勝智，知心地無我，能聞此勝法。
如空中彩畫，如空中風相，牟尼智如是，分別甚難見。
我念佛智慧，最勝難思議，世間無能受，默然而不說。」

2(解脫月歎眾堪聞請)

爾時，解脫月菩薩聞是說已，白金剛藏菩薩言：

「佛子！今此眾會皆悉已集，善淨深心，善潔思念，善修諸行，善集助道，善能親近百千億佛，成就無量功德善根，捨離癡惑，無有垢染，深信信解，於佛法中不隨他教。善哉佛子！當承佛神力而為演說，此諸菩薩於如是等甚深之處皆能證知。」

爾時，解脫月菩薩欲重宣其義而說頌曰：

願說最安隱，菩薩無上行，分別於諸地，智淨成正覺。
此眾無諸垢，志解悉明潔，承事無量佛，能知此地義。」

(金剛藏之止:不堪有損止)

爾時，金剛藏菩薩言：「佛子！雖此眾集善淨思念，捨離愚癡及以疑惑，於甚深法不隨他教；然有其餘劣解眾生，聞此甚深難思議事，多生疑惑，於長夜中受諸衰惱。我愍此等，是故默然。」

爾時，金剛藏菩薩欲重宣其義而說頌曰：

雖此眾淨廣智慧，甚深明利能抉擇，其心不動如山王，不可傾覆猶大海
有行未久解未得，隨識而行不隨智，聞此生疑墮惡道，我愍是等故不說

3(解脫月雙歎人法請)

爾時，解脫月菩薩重白金剛藏菩薩言：

「佛子！願承佛神力分別說此不思議法，此人當得如來護念而生信受。何以故？說十地時，一切菩薩法應如是，得佛護念。得護念故，於此智地能生勇猛。何以故？此是菩薩最初所行，成就一切諸佛法故。譬如書字、

數說，一切皆以字母為本、字母究竟，無有少分離字母者。佛子！一切佛法皆以十地為本，十地究竟修行成就，得一切智。是故，佛子！願為演說！此人必為如來所護，令其信受。」

爾時，解脫月菩薩欲重宣其義而說頌曰：

善哉佛子願演說，趣入菩提諸地行，十方一切自在尊，莫不護念智根本。
此安住智亦究竟，一切佛法所從生，譬如書數字母攝，如是佛法依於地。

4(大眾同請)

爾時，諸大菩薩眾一時同聲向金剛藏菩薩而說頌言：

上妙無垢智， 無邊分別辯， 宣暢深美言， 第一義相應。
念持清淨行， 十力集功德， 辯才分別義， 說此最勝地。
定戒集正心， 離我慢邪見， 此眾無疑念， 唯願聞善說！
如渴思冷水， 如飢念美食， 如病憶良藥， 如蜂貪好蜜；
我等亦如是， 願聞甘露法！善哉廣大智， 願說入諸地，
成十力無礙， 善逝一切行！」

5(如來加請。如來放眉間光，有二身七業；十方佛放光照此，二光互照
爾時，世尊從眉間出清淨光明，名：菩薩力焰明，
百千阿僧祇光明以為眷屬，普照十方一切世界靡不周遍，三惡道苦皆得休息；又照一切如來眾會，顯現諸佛不思議力；又照十方一切世界，一切諸佛所加說法菩薩之身；作是事已，於上虛空中成大光明雲網臺而住。

(十方佛放光照此界)

時，十方諸佛悉亦如是，從眉間出清淨光明，其光名號、眷屬、作業悉同於此，又亦照此娑婆世界佛及大眾，並金剛藏菩薩身、師子座已，於上虛空中成大光明雲網臺。時，光臺中，以諸佛威神力故而說頌言：

佛無等等如虛空，十力無量勝功德，人間最勝世中上，釋師子法加於彼。
佛子當承諸佛力，開此法王最勝藏，諸地廣智勝妙行，以佛威神分別說
若為善逝力所加，當得法寶入其心，諸地無垢次第滿，亦具如來十種力
雖住海水劫火中，堪受此法必得聞，其有生疑不信者，永不得聞如是義
應說諸地勝智道，入住展轉次修習，從行境界法智生，利益一切眾生故

爾時，金剛藏菩薩觀察十方，欲令大眾增淨信故而說頌曰：

「如來大仙道，微妙難可知，非念離諸念，求見不可得。
無生亦無滅，性淨恆寂然，離垢聰慧人，彼智所行處。
自性本空寂，無二亦無盡，解脫於諸趣，涅槃平等住。
非初非中後，非言辭所說，出過於三世，其相如虛空。
寂滅佛所行，言說莫能及；地行亦如是，難說難可受。
智起佛境界，非念離心道，非蘊界處門，智知意不及。
如空中鳥跡，難說難可示；如是十地義，心意不能了。
慈悲及願力，出生入地行，次第圓滿心，智行非慮境。
是境界難見，可知不可說，佛力故開演，汝等應敬受。
如是智入行，億劫說不盡，我今但略說，真實義無餘。
一心恭敬待，我承佛力說，勝法微妙音，譬諭字相應。
無量佛神力，咸來入我身，此處難宣示，我今說少分。」

（大文第六請分，畢）

（七、說分：詳說十地的位行、位果），p7~

（第一地【歡喜地】，初獲聖性，具證二空，能益自他，生大喜故。有 4，
4~1. 依何身； 4~2. 為何義； 4~3. 以何因； 4~4. 有何相）(p7~19)

（第一地；歡喜地 4~1. 依何身，10 句）

「佛子！若有眾生深種善根，善修諸行，善集助道，善供養諸佛，善集白淨法，為善知識，善攝善清淨深心，立廣大志，生廣大解，慈悲現前，

（第一地；歡喜地 4~2. 為何義）

為求佛智故，為得十力故，為得大無畏故，為得佛平等法故，為救一切世間故，為淨大慈悲故，為得十力無餘智故，為淨一切佛剎無障礙故，為一念知一切三世故，為轉大法輪無所畏故。佛子！菩薩起如是心，

（第一地；歡喜地 4~3. 以何因）

以大悲為首，智慧增上，善巧方便所攝，最上深心所持，如來力無量，善觀察分別勇猛力智、力無礙智、現前隨順自然智，能受一切佛法，以智慧教化，廣大如法界，究竟如虛空，盡未來際。

(第一地;歡喜地 4~4 有何相).

佛子！菩薩始發如是心，即得超凡夫地，入菩薩位，生如來家，無能說其種族過失，離世間趣，入出世道，得菩薩法，住菩薩處，入三世平等，於如來種中決定當得無上菩提。菩薩住如是法，名：住菩薩歡喜地，以不動相應故。

(解說為何是名「歡喜地」，有三喜；

1. 心喜:入觀之心適悅；
2. 體喜:出觀喜受相應；
3. 根喜:由前心體，歡喜內充，外及五根，輕安調暢)

(歡喜之相為何)

「佛子！菩薩住歡喜地，成就多歡喜、多淨信、多愛樂、多適悅、多欣慶、多踴躍、多勇猛、多無鬥諍、多無惱害、多無瞋恨。

(心念以後當得？，故喜，10 句)

佛子！菩薩住此歡喜地，念諸佛故生歡喜，念諸佛法故生歡喜，念諸菩薩故生歡喜，念諸菩薩行故生歡喜，念清淨諸波羅蜜故生歡喜，念諸菩薩地殊勝故生歡喜，念菩薩不可壞故生歡喜，念如來教化眾生故生歡喜，念能令眾生得利益故生歡喜，念入一切如來智方便故生歡喜；

(心念現今得？，故喜，10 句)

復作是念：『我轉離一切世間境界故生歡喜，親近一切佛故生歡喜，遠離凡夫地故生歡喜，近智慧地故生歡喜，永斷一切惡趣故生歡喜，與一切眾生作依止處故生歡喜，見一切如來故生歡喜，生佛境界中故生歡喜，入一切菩薩平等性中故生歡喜，遠離一切怖畏毛豎等事故生歡喜。』

(由捨轉離，故喜)

何以故？此菩薩得歡喜地已，所有怖畏悉得遠離，所謂：不活畏、惡名畏、死畏、惡道畏、大眾威德畏，如是怖畏皆得永離。

何以故？此菩薩離我想故，尚不愛自身，何況資財，是故無有不活畏；不於他所希求供養，唯專給施一切眾生，是故無有惡名畏；遠離我見，無有

我想，是故無有死畏；自知死已，決定不離諸佛菩薩，是故無有惡道畏；我所志樂，一切世間無與等者，何況有勝！是故無有大眾威德畏。菩薩如是遠離驚怖毛豎等事。

(以下說明，於歡喜地中，安住於何處?)

「佛子！此菩薩以大悲為首，廣大志樂無能沮壞，轉更勤修一切善根而得成就，

(信心成就，10 句)

所謂：信增上故，多淨信故，解清淨故，信決定故，發生悲愍故，成就大慈故，心無疲懈故，慚愧莊嚴故，成就柔和故，敬順尊重諸佛教法故，

(修行成就，9 句)

日夜修集善根無厭足故，親近善知識故，常愛樂法故，求多聞無厭足故，如所聞法正觀察故，心無依著故，不耽著利養、名聞、恭敬故，不求一切資生之物故，生如寶心無厭足故，

(迴向成就，12 句)

求一切智地故，求如來力、無畏、不共佛法故，求諸波羅蜜助道法故，離諸諂誑故，如說能行故，常護實語故，不污如來家故，不捨菩薩戒故，生一切智心如山王不動故，不捨一切世間事成就出世間道故，集助菩提分法無厭足故，常求上上殊勝道故。佛子！菩薩成就如是淨治地法，名為：安住菩薩歡喜地。

(以下說明，住於歡喜地中，勝於緣覺、聲聞二乘；

分 1. 願心殊勝=願心勝為標志暇廣，發 10 種願心

2. 修行殊勝=依願造修)

(1. 願心殊勝=願心勝為標志暇廣，發 10 種願心，彰顯菩薩自勤於修行)

「佛子！菩薩住此歡喜地，能成就如是大誓願、如是大勇猛、如是大作用

(10~1 供養願)

所謂：『生廣大清淨決定解，以一切供養之具，恭敬供養一切諸佛，令無有餘；廣大如法界，究竟如虛空，盡未來際一切劫數無有休息。』

（10~2 受持願）

又發大願：『願受一切佛法輪，願攝一切佛菩提，願護一切諸佛教，願持一切諸佛法；廣大如法界，究竟如虛空，盡未來際一切劫數無有休息。』

（10~3 轉法輪願）

又發大願：『願一切世界佛興於世，從兜率天宮沒、入胎、住胎、初生、出家、成道說法、示現涅槃，皆悉往詣，親近供養，為眾上首，受行正法，於一切處一時而轉；廣大如法界，究竟如虛空，盡未來際一切劫數無有休息。』

（10~4 修行二利願）

又發大願：『願一切菩薩行廣大無量，不壞不雜，攝諸波羅蜜，淨治諸地，總相、別相、同相、異相、成相、壞相，所有菩薩行皆如實說，教化一切，令其受行，心得增長；廣大如法界，究竟如虛空，盡未來際一切劫數無有休息。』

（10~5 成熟眾生願）

又發大願：『願一切眾生界有色、無色、有想、無想、非有想、非無想、卵生、胎生、濕生、化生，三界所繫，入於六趣一切生處，名色所攝，如是等類我皆教化，令入佛法，令永斷一切世間趣，令安住一切智智道；廣大如法界，究竟如虛空，盡未來際一切劫數無有休息。』

（10~6 承事願）

又發大願：『願一切世界廣大無量，粗細亂住、倒住、正住，若入、若行、若去，如帝網差別，十方無量種種不同，智皆明瞭，現前知見；廣大如法界，究竟如虛空，盡未來際一切劫數無有休息。』

（10~7 淨土願）

又發大願：『願一切國土入一國土，一國土入一切國土，無量佛土普皆清淨，光明眾具以為莊嚴，離一切煩惱，成就清淨道，無量智慧眾生充滿其中，普入廣大諸佛境界，隨眾生心而為示現，皆令歡喜；廣大如法界，究竟如虛空，盡未來際一切劫數無有休息。』

(10~8 不離願)

又發大願：『願與一切菩薩同一志行，無有怨嫉，集諸善根，一切菩薩平等一緣，常共集會，不相捨離，隨意能現種種佛身，任其自心能知一切如來境界威力智慧，得不退如意神通，遊行一切世界，現形一切眾會，普入一切生處，成就不思議大乘，修菩薩行；廣大如法界，究竟如虛空，盡未來際一切劫數無有休息。』

(10~9 利益願)

又發大願：『願乘不退輪行菩薩行，身、語、意業悉不唐捐，若暫見者則必定佛法，暫聞音聲則得實智慧，纔生淨信則永斷煩惱，得如大藥王樹身，得如如意寶身，修行一切菩薩行；廣大如法界，究竟如虛空，盡未來際一切劫數無有休息。』

(10~10 成正覺願)

又發大願：『願於一切世界成阿耨多羅三藐三菩提不離一毛端處，於一切毛端處皆悉示現初生、出家、詣道場、成正覺、轉法輪、入涅槃，得佛境界大智慧力，於唵唵中隨一切眾生心示現成佛令得寂滅，以一三菩提知一切法界即涅槃相，以一音說法令一切眾生心皆歡喜，示入大涅槃而不斷菩薩行，示大智慧地安立一切法，以法智通、神足通、幻通自在變化充滿一切法界；廣大如法界，究竟如虛空，盡未來際一切劫數無有休息。』

(前 10 願心勝之結詞，並用此與眾生共分享=以十盡句與眾生共)

「佛子！菩薩住歡喜地，發如是大誓願、如是大勇猛、如是大作用，以此十願門為首，滿足百萬阿僧祇大願。

(以十盡句與眾生共)

佛子！此大願以十盡句而得成就。何等為十？所謂：眾生界盡、世界盡、虛空界盡、法界盡、涅槃界盡、佛出現界盡、如來智界盡、心所緣界盡、佛智所入境界界盡、世間轉法轉智轉界盡。『若眾生界盡，我願乃盡；若世界乃至世間轉法轉智轉界盡，我願乃盡。而眾生界不可盡，乃至世間轉法轉智轉界不可盡故，我此大願善根無有窮盡。』

(以上，1 願心勝，畢)

(以下是 2 修行勝，依願造修，即依前十願而造修，所成之十種殊勝、
分 《3~1:修行所依之十心》；《3~2 修行所成之十種行相》；
《3~3:果利益勝，即位行成就》)

(《3~1:修行所依之十心=明所依心》)

「佛子！菩薩發如是大願已，則得利益心、柔軟心、隨順心、寂靜心、調伏心、寂滅心、謙下心、潤澤心、不動心、不濁心。

(《3~2 修行所成之十種行相=》：

(1 信行) (2 悲行)(3 慈行)(4 施行)(5 無疲厭)(6 知經論)(7 了世法)
(8 慚愧莊嚴 (9 堅固力)(10 供養佛)

(1 信行)

成淨信者，有信功用：能信如來本行所入，信成就諸波羅蜜，信入諸勝地，信成就力，信具足無所畏，信生長不可壞不共佛法，信不思議佛法，信出生無中邊佛境界，信隨入如來無量境界，信成就果。舉要言之，信一切菩薩行，乃至如來智地說力故。

(2 悲)(3 慈) (要生起悲心、慈心，先要觀十二因緣、具足諸苦、及十二因緣後之九支之自相、同相都是顛倒的三種觀，而具足出離心。

先明《1 三觀為方便》再明《2 慈悲所起之行相》

《1 三觀為方便，即《3/1 遠離最上第一義樂觀》

《3/2 具足諸苦觀》

《3/3 彼二顛倒觀》

《3/1 遠離最上第一義樂觀》

「佛子！此菩薩復作是念：『諸佛正法，如是甚深，如是寂靜，如是寂滅，如是空，如是無相，如是無願，如是無染，如是無量，如是廣大。

《3/2 具足諸苦觀》(即 12 因緣)

(1 無明，有 5 句)

而諸凡夫心墮邪見，無明覆翳，立僥慢高幢，入渴愛網中，行諂誑稠林不能自出，心與慳嫉相應不捨，恆造諸趣受生因緣，

(2 行，3 句)

貪、恚、愚癡積集諸業日夜增長，以忿恨風吹心識火熾然不息，凡所作業皆顛倒相應，

(3 心意識邪見，)

欲流、有流、無明流、見流，相續起心意識種子，

(4 說明 12 因緣中後面 9 支，先明「自相」：名色自相…)

於三界田中復生苦芽。所謂：名色共生不離，此名色增長，生六處聚落，於中相對生觸，觸故生受，因受生愛，愛增長故生取，取增長故生有，

(同相)

有生故有生老死憂悲苦惱。如是眾生生長苦聚，

(顛倒相)及《3/3 彼二顛倒觀》

是中皆空，離我、我所，無知、無覺，無作、無受，如草木石壁，亦如影像；然諸眾生不覺不知。』

《2 慈悲所起之行相》

菩薩見諸眾生於如是苦聚不得出離，是故即生大悲智慧。復作是念：『此諸眾生我應救拔，置於究竟安樂之處。』是故即生大慈光明智。

(4 慈悲之施行)

「佛子！菩薩摩訶薩隨順如是大悲、大慈，以深重心住初地時，於一切物無所吝惜，求佛大智，修行大捨，凡是所有一切能施。所謂：財穀、倉庫、金銀、摩尼、真珠、琉璃、珂貝、璧玉、珊瑚等物，珍寶、瓔珞、嚴身之具，像馬、車乘、奴婢、人民、城邑、聚落、園林、臺觀、妻妾、男女、內外眷屬及餘所有珍玩之具，頭目、手足、血肉、骨髓、一切身份皆無所惜，為求諸佛廣大智慧。是名：菩薩住於初地大捨成就。」

(5 慈悲大施無疲厭心)

「佛子！菩薩以此慈、悲、大施心，為欲救護一切眾生，轉更推求世、出世間諸利益事無疲厭故，即得成就無疲厭心。」

(6 得知經論智)

得無疲厭心已，於一切經論心無怯弱；無怯弱故，即得成就一切經論智。

(7 能成世智行)

獲是智已，善能籌量應作、不應作，於上、中、下一切眾生，隨應、隨力、隨其所習，如是而行，是故菩薩得成世智。

(8 以慚愧行自利利他)

成世智已，知時知量，以慚愧莊嚴勤修自利、利他之道，是故成就慚愧莊嚴，

(9 勤修「出離」成堅固力)

於此行中勤修出離，不退不轉，成堅固力。

(10 勤供養，如教法而行)

得堅固力已，勤供諸佛，於佛教法能如說行。

「佛子！菩薩如是成就十種淨諸地法，所謂：信、悲、慈、捨、無有疲厭、知諸經論、善解世法、慚愧堅固力、供養諸佛、依教修行。

(以下說明修行之果利益校量勝二乘，有四果；

4~1:調柔果，4~2:發趣果；4~3 攝報果；4~4:願智果)

(4~1:調柔果；分《4》，（《4~1》見佛為鍊行(之所)緣)

「佛子！菩薩住此歡喜地已，以大願力得見多佛。所謂：見多百佛、多千佛、多百千佛、多億佛、多百億佛、多千億佛、多百千億佛、多億那由他佛、多百億那由他佛、多千億那由他佛、多百千億那由他佛。

(《4~2》所鍊行體)

悉以大心、深心，恭敬尊重，承事供養，衣服、飲食、臥具、醫藥，一切資生悉以奉施，亦以供養一切眾僧，以此善根皆悉迴向無上菩提。佛子！此菩薩因供養諸佛故，得成就眾生法，

（《4~3》別地行相）

以前二攝攝取眾生，調佈施、愛語；後二攝法，但以信解力故，行未善通達。是菩薩，十波羅蜜中，檀波羅蜜增上；餘波羅蜜非不修行，但隨力隨分。

（《4~4》所鍊成行）

是菩薩隨所勤修，供養諸佛，教化眾生，皆以修行清淨地法，所有善根悉以迴向一切智地，轉轉明淨，調柔成就，隨意堪用。佛子！譬如金師善巧鍊金，數數入火，轉轉明淨，調柔成就，隨意堪用。菩薩亦復如是，供養諸佛，教化眾生，皆為修行清淨地法，所有善根悉以迴向一切智地，轉轉明淨，調柔成就，隨意堪用。

4~2:發趣果

「佛子！菩薩摩訶薩住於初地，應從諸佛菩薩善知識所推求請問，於此地中相及得果，無有厭足，為欲成就此地法故；亦應從諸佛菩薩善知識所推求請問，第二地中相及得果，無有厭足，為欲成就彼地法故；亦應如是推求請問，第三、第四、第五、第六、第七、第八、第九、第十地中相及得果，無有厭足，為欲成就彼地法故。

是菩薩善知諸地障對治，善知地成壞，善知地相果，善知地得修，善知地法清淨，善知地地轉行，善知地地處、非處，善知地地殊勝智，善知地地不退轉，善知淨治一切菩薩地乃至轉入如來地。

佛子！菩薩如是善知地相，始於初地起行不斷，如是乃至入第十地無有斷絕；由此諸地智光明故，成於如來智慧光明。佛子！譬如商主善知方便，欲將諸商人往詣大城，未發之時，先問道中功德過失，及住止之處安危可不，然後具道資糧，作所應作。

佛子！彼大商主雖未發足，能知道中所有一切安危之事，善以智慧籌量觀察，備其所須令無乏少，將諸商眾乃至安隱到彼大城，身及眾人悉免憂患。佛子！菩薩商主亦復如是，住於初地，善知諸地障對治，乃至善知一切菩薩地清淨，轉入如來地，然後乃具福智資糧，將一切眾生經生死曠野險難

之處，安隱得至薩婆若城，身及眾生不經患難。是故，菩薩常應匪懈勤修諸地殊勝淨業，乃至趣入如來智地。

「佛子！是名：略說菩薩摩訶薩入菩薩初地門，廣說則有無量無邊百千阿僧祇差別事。

4~3 攝報果

（先明在家果之「上勝身」）

「佛子！菩薩摩訶薩住此初地，多作閻浮提王，豪貴自在，常護正法，

（在家果之「上勝果」）

能以大施攝取眾生，善除眾生慳貪之垢，常行大施無有窮盡。布施、愛語、利益、同事——如是一切諸所作業，皆不離念佛，不離念法，不離念僧，不離念同行菩薩，不離念菩薩行，不離念諸波羅蜜，不離念諸地，不離念力，不離念無畏，不離念不共佛法，乃至不離念具足一切種、一切智智。復作是念：『我當於一切眾生中為首、為勝、為殊勝、為妙、為微妙、為上、為無上、為導、為將、為帥，乃至為一切智智依止者。』

（出家果）

是菩薩若欲捨家於佛法中勤行精進，便能捨家、妻子、五欲，依如來教出家學道。既出家已，勤行精進，於一念頃，得百三昧，得見百佛，知百佛神力，能動百佛世界，能過百佛世界，能照百佛世界，能教化百世界眾生，能住壽百劫，能知前後際各百劫事，能入百法門，能示現百身，於一身能示百菩薩以為眷屬；

4~4: 願智果

若以菩薩殊勝願力自在示現，過於是數，百劫、千劫、百千劫，乃至百千億那由他劫不能數知。」

(頌，46.5)

爾時，金剛藏菩薩欲重宣其義而說頌曰：

(初住依何身，2)

若人集眾善， 具足白淨法， 供養天人尊， 隨順慈悲道，
信解極廣大， 志樂亦清淨， 為求佛智慧， 發此無上心。

(為何義，4)

淨一切智力， 及以無所畏， 成就諸佛法， 救攝群生眾，
為得大慈悲， 及轉勝法輪， 嚴淨佛國土， 發此最勝心。
一念知三世， 而無有分別， 種種時不同， 以示於世間。
略說求諸佛， 一切勝功德， 發生廣大心， 量等虛空界。

(以何因，2)

悲先慧為主， 方便共相應， 信解清淨心， 如來無量力，
無礙智現前， 自悟不由他， 具足同如來， 發此最勝心。

(有何相，3)

佛子始發生， 如是妙寶心， 則超凡夫位， 入佛所行處，
生在如來家， 種族無瑕玷， 與佛共平等， 決成無上覺。
纔生如是心， 即得入初地， 志樂不可動， 譬如大山王，

(歡喜地之喜相，2.5)(喜因，0.5)

多喜多愛樂， 亦復多淨信， 極大勇猛心， 及以慶躍心，
遠離於鬥諍， 惱害及瞋恚， 慚敬而質直， 善守護諸根，
救世無等者， 所有眾智慧， 此處我當得， 憶念生歡喜。

(念現得，2)

始得入初地， 即超五怖畏， 不活死惡名， 惡趣眾威德。
以不貪著我， 及以於我所， 是諸佛子等， 遠離諸怖畏。

(以下6頌，是安住地分，今信心成就，1.5；修行成就1.5)

常行大慈愍， 恆有信恭敬， 慚愧功德備， 日夜增善法。

樂法真實利， 不愛受諸欲， 思惟所聞法， 遠離取著行。
不貪於利養， 唯樂佛菩提， 一心求佛智， 專精無異念。

（迴向成就，3）

修行波羅蜜， 遠離諂虛誑， 如說而修行， 安住實語中。
不污諸佛家， 不捨菩薩戒， 不樂於世事， 常利益世間。
修善無厭足， 轉求增勝道， 如是好樂法， 功德義相應。

（以下 22.5 頌，是較量勝分）

（願之較量，6.5）

恆起大願心， 願見於諸佛， 護持諸佛法， 攝取大仙道。
常生如是願， 修行最勝行， 成熟諸群生， 嚴淨佛國土。
一切諸佛刹， 佛子悉充遍， 平等共一心， 所作皆不空；
一切毛端處， 一時成正覺。如是等大願， 無量無邊際。
虛空與眾生， 法界及涅槃， 世間佛出興， 佛智心境界。
如來智所入， 及以三轉盡， 彼諸若有盡， 我願方始盡；
如彼無盡期， 我願亦復然。

（行較量，6）

如是發大願， 心柔軟調順。
能信佛功德， 觀察於眾生， 知從因緣起， 則興慈念心：
如是苦眾生， 我今應救脫。 為是眾生故， 而行種種施，
王位及珍寶， 乃至象馬車， 頭目與手足， 乃至身血肉，
一切皆能捨， 心得無憂悔。 求種種經書， 其心無厭倦，
善解其義趣， 能隨世所行， 慚愧自莊嚴， 修行轉堅固，
供養無量佛， 恭敬而尊重。

（以下為果較量，10）

（調柔果，2）

如是常修習， 日夜無懈倦， 善根轉明淨， 如火鍊真金。
菩薩住於此， 淨修於十地， 所作無障礙， 具足不斷絕。

(發趣果，2)

譬如大商主， 為利諸商眾。 問知道險易， 安隱至大城。
菩薩住初地， 應知亦如是， 勇猛無障礙， 到於第十地。

(以下為攝報果，5.5)

住此初地中， 作大功德王，
以法化眾生， 慈心無損害。 統領閻浮地， 化行靡不及，
皆令住大捨， 成就佛智慧。 欲求最勝道， 捨己國王位，
能於佛教中， 勇猛勤修習， 則得百三昧， 及見百諸佛，
震動百世界， 光照行亦爾， 化百土眾生， 入於百法門，
能知百劫事， 示現於百身， 及現百菩薩， 以為其眷屬；

(願智果，0.5)

若自在願力， 過是數無量。

(結)

我於地義中， 略述其少分，
若欲廣分別， 億劫不能盡。 菩薩最勝道， 利益諸群生，
如是初地法， 我今已說竟。」 (第一地歡喜地，畢)

(前第一歡喜地，已證正位，依『出世間道』，勤修出離，因清淨戒說第二離垢地，初地見道，是出世間，依此修於三學，戒最在初)

(第二地【離垢地】，治上上十善「戒」，即法身性戒，能自体無垢故；非如初地思擇護戒)(p19~28)

(慶聞初地，3)

諸菩薩聞此， 最勝微妙地， 其心盡清淨， 一切皆歡喜。
皆從於座起， 踴住虛空中， 普散上妙華， 同時共稱讚：
善哉金剛藏！ 大智無畏者！ 善說於此地， 菩薩所行法。

(請說二地，2)

解脫月菩薩， 知眾心清淨， 樂聞第二地， 所有諸行相，
即請金剛藏： 大慧願演說， 佛子皆樂聞， 所住第二地

(以下說明，入【離垢地】之「地相」有

1. 「入心」=「發起淨，即是入離垢地之心」
2. 「住心」=「自体淨，即是住離垢地之心」

(即，欲修第二離垢地，需有十種「深契理事」之深心=心態、心理準備，才能入此「上上性戒」；以十種深心作為

1. 「發起淨，即是入離垢地之心」)

爾時，金剛藏菩薩告解脫月菩薩言：

「佛子！菩薩摩訶薩已修初地，欲入第二地，當起十種深心。何等為十？所謂：正直心、柔軟心、堪能心、調伏心、寂靜心、純善心、不雜心、無顧戀心、廣心、大心。菩薩以此十心，得入第二離垢地。

(以下說明，除「發心淨」之外，尚需

2. 「自体淨」=持「三聚淨戒」(此是離垢地修行之重心)

《3~1:攝律儀戒=修十善業道=離十不善道》

《3~2:攝善法戒=先「略觀不善起攝善之行」，

後「廣觀障治，起攝善之行」

=觀善法能通人天、聲聞、緣覺、菩薩，佛四種十善》

《3~3:攝眾生戒=利益眾生戒=

要如何「攝生」呢?需有以下智、願、行、集因、集果等五法

1. 以智知十不善業，2. 願離十不善道，3. 依願起行，

4. 悲念眾生十種心(集因)，

5. 起拔濟眾生之心(集果)，化度四種眾生：

(1)化顛倒眾生=邪見眾生，

(2)化欲求五欲眾生、

(3)化有求眾生=化「五趣流轉之道差別眾生+三界繫縛之界差別眾生

(4)化梵行求眾生=化「邪求眾生+同法小乘眾生」

(正顯離垢地中，自体淨中，

《3~1:攝律儀戒，需持「十善業道」》)

(10~1:離殺)「佛子！菩薩住離垢地，性自遠離一切殺生，不畜刀杖，不懷怨恨，有慚有愧，仁恕具足，於一切眾生有命之者，常生利益慈念之心；是菩薩尚不噁心惱諸眾生，何況於他起眾生想，故以重意而行殺害！

(10~2:離盜)

性不偷盜，菩薩於自資財，常知止足，於他慈恕，不欲侵損；若物屬他，起他物想，終不於此而生盜心，乃至草葉不與不取，何況其餘資生之具！

(10~3:離邪淫)

性不邪淫，菩薩於自妻知足，不求他妻，於他妻妾、他所護女、親族媒定及為法所護，尚不生於貪染之心，何況從事！況於非道！

(10~4:離妄語)

性不妄語，菩薩常作實語、真語、時語，乃至夢中亦不忍作覆藏之語，無心欲作，何況故犯！

(10~5 離兩舌)

性不兩舌，菩薩於諸眾生無離間心、無惱害心，不將此語為破彼故而向彼說，不將彼語為破此故而向此說，未破者不令破，已破者不增長，不喜離間，不樂離間，不作離間語，不說離間語，若實、若不實。

(10~6 離惡口)

性不惡口，所謂：毒害語、粗獷語、苦他語、令他瞋恨語、現前語、不現前語、鄙惡語、庸賤語、不可樂聞語、聞者不悅語、瞋忿語、如火燒心語、怨結語、熱惱語、不可愛語、不可樂語、能壞自身他身語，如是等語皆悉捨離，常作潤澤語、柔軟語、悅意語、可樂聞語、聞者喜悅語、善入人心語、風雅典則語、多人愛樂語、多人悅樂語、身心踴悅語。

(10~7:離綺語，離言詞不正)

性不綺語，菩薩常樂思審語、時語、實語、義語、法語、順道理語、巧調伏語、隨時籌量決定語，是菩薩乃至戲笑尚恆思審，何況故出散亂之言！

(10~8:離貪)

性不貪慾，菩薩於他財物、他所資用，不生貪心，不願不求。

(10~9:離瞋恚)

性離瞋恚，菩薩於一切眾生恆起慈心、利益心、哀愍心、歡喜心、和潤心、攝受心，永捨瞋恨、怨害、熱惱，常思順行，仁慈祐益。

(10~10:;離邪見，離乖理推求)

又離邪見，菩薩住於正道，不行占卜，不取惡戒，心見正直，無誑無諂，於佛、法、僧起決定信。

「佛子！菩薩摩訶薩如是護持十善業道，常無間斷，

(正顯離垢地中，自体淨中，

《3~2:攝善法戒=先「略觀不善起攝善之行」，

後「廣觀障治，起攝善之行」

=觀善法能通人天、聲聞、緣覺、菩薩，佛四種十善》

((2~1)略觀不善，起攝善行)

復作是念：『一切眾生墮惡趣者，莫不皆以十不善業；是故我當自修正行，亦勸於他，令修正行。何以故？若自不能修行正行，令他修者，無有是處。』

((2~2)廣觀障治，起攝善行，分觀《1 人天》~~《5 佛》等之十善。)

「佛子！此菩薩摩訶薩復作是念：『十不善業道，是地獄、畜生、餓鬼受生因；

(《5~1》人天十善)

十善業道，是人、天乃至有頂處受生因。

(《5~2》聲聞十善)

又此上品十善業道，以智慧修習，心狹劣故，怖三界故，闕大悲故，從他聞聲而解了故，成聲聞乘。

(《5~3》緣覺十善)

又此上品十善業道，修治清淨，不從他教，自覺悟故，大悲方便不具足故，悟解甚深因緣法故，成獨覺乘。

(《5~4》菩薩十善)

又此上品十善業道，修治清淨，心廣無量故，具足悲愍故，方便所攝故，發生大願故，不捨眾生故，希求諸佛大智故，淨治菩薩諸地故，淨修一切諸度故，成菩薩廣大行。

(《5~5》佛善)

又此上品十善業道，一切種清淨故，乃至證十力、四無畏故，一切佛法皆得成就。是故我今等行十善，應令一切具足清淨；如是方便，菩薩當學。

(正顯離垢地中，自体淨中)

《3~3:攝眾生戒=利益眾生戒=要如何「攝生」呢?需有以下智~集果等五法

《5~1.以智知十不善業》，

《5~2.願離十不善道》，

《5~3.依願起行》，

《5~4.悲念眾生，生十種心(集因)》，

《5~5.起拔濟眾生之心(集果)，化度四種眾生：

(1)化顛倒眾生=邪見，

(2)化欲求五欲眾生、

(3)化有求眾生=化「五趣流轉之道差別眾生+三界繫縛之界差別眾生

(4)化梵行求眾生=化「邪求眾生+同法小乘眾生」》

《5~1.以智知十不善業，先需「善知眾生十不善業道之苦因、苦果」，十不善中各有二果差別，1.報果差別；2.習氣差別》)

「佛子！此菩薩摩訶薩又作是念：『十不善業道，上者地獄因，中者畜生因，下者餓鬼因。於中，

1 殺生之罪能令眾生墮於地獄、畜生、餓鬼；若生人中，得二種果報，一者短命，二者多病。

2 偷盜之罪亦令眾生墮三惡道；若生人中，得二種果報，一者貧窮，二者共財不得自在。

3 邪淫之罪亦令眾生墮三惡道；若生人中，得二種果報，一者妻不貞良，二者不得隨意眷屬。

- 4 妄語之罪亦令眾生墮三惡道；若生人中，得二種果報，一者多被誹謗，二者為他所誑。
- 5 兩舌之罪亦令眾生墮三惡道；若生人中，得二種果報，一者眷屬乖離，二者親族弊惡。
- 6 惡口之罪亦令眾生墮三惡道；若生人中，得二種果報，一者常聞惡聲，二者言多諍訟。
- 7 綺語之罪亦令眾生墮三惡道；若生人中，得二種果報，一者言無人受，二者語不明瞭。
- 8 貪慾之罪亦令眾生墮三惡道；若生人中，得二種果報，一者心不知足，二者多欲無厭。
- 9 瞋恚之罪亦令眾生墮三惡道；若生人中，得二種果報，一者常被他人求其長短，二者恆被於他之所惱害。
- 10 邪見之罪亦令眾生墮三惡道；若生人中，得二種果報，一者生邪見家，二者其心諂曲。』

(《5~2. 願離十不善道》)(5~3. 依願起行)(知眾生苦因果後，菩薩之願行)
佛子！十不善業道能生此等無量無邊眾大苦聚，是故菩薩作如是念：『我當遠離十不善道，以十善道為法園苑，愛樂安住，自住其中，亦勸他人令住其中。』

(《5~4. 悲念眾生生十種心(集因)》)

「佛子！此菩薩摩訶薩復於一切眾生生利益心、安樂心、慈心、悲心、憐愍心、攝受心、守護心、自己心、師心、大師心，

(《5~5. 起拔濟眾生之心(集果)，化度四種眾生》)

(菩薩依前增上悲，念眾生，欲拔濟眾生苦，而生十種心，即「集離垢地之因」，生十心後，欲救護一切眾生，分《4》類如下：

- 《4~1 化顛倒眾生》；
- 《4~2 化欲求眾生》；
- 《4~3 化有求眾生》
- 《4~4 化梵行求眾生》

(《4~1 化顛倒眾生》)

作是念言：『眾生可愍，墮於邪見、惡慧、惡欲、惡道稠林。我應令彼住於正見，行真實道。』

(《4~2 化欲求眾生；分『2~1 化現得五欲受用眾生之過』，有「3」
『2~2 化未得五欲追求心過』，有「2」》)

(『2~1 化現得五欲受用眾生之過』，有「3」)

- 1.又作是念：『一切眾生分別彼我，互相破壞，鬥諍瞋恨，熾然不息。我當令彼住於無上大慈之中。』
- 2.又作是念：『一切眾生貪取無厭，唯求財利，邪命自活。我當令彼住於清淨身、語、意業正命法中。』
- 3.又作是念：『一切眾生常隨三毒，種種煩惱因之熾然，不解志求出要方便。我當令彼除滅一切煩惱大火，安置清涼涅槃之處。』

(『2~2 化未得五欲追求心過，即造業眾生』，有「2」)

(「2~1 追求現報，造諸惡行者」)

又作是念：『一切眾生為愚癡重闇，妄見厚膜之所覆故，入陰翳稠林，失智慧光明，行曠野險道，起諸惡見。我當令彼得無障礙清淨智眼，知一切法如實相，不隨他教。』

(「2~2 追求後報，習有漏善行者」)

又作是念：『一切眾生在於生死險道之中，將墮地獄、畜生、餓鬼，入惡見網中，為愚癡稠林所迷，隨逐邪道，行顛倒行。譬如盲人無有導師，非出要道謂為出要，入魔境界，惡賊所攝，隨順魔心，遠離佛意。我當拔出如是險難，令住無畏一切智城。』

《4~3 化有求眾生；分『2~1 道差別=五趣流轉』；『2~2 界差別=三界繫閉』

(『2~1 道差別=五趣流轉』)

又作是念：『一切眾生為大瀑水波浪所沒，入欲流、有流、無明流、見流，生死洄復，愛河漂轉，湍馳奔激，不暇觀察；為欲覺、恚覺、害覺隨逐不捨，身見羅剎於中執取，將其永入愛慾稠林；於所貪愛深生染著，住

我慢原阜，安六處聚落；無善救者，無能度者。我當於彼起大悲心，以諸善根而為救濟，令無災患，離染寂靜，住於一切智慧寶洲。』

(『2~2 界差別=三界繫閉』)

又作是念：『一切眾生處世牢獄，多諸苦惱，常懷愛憎，自生憂怖，貪慾重械之所繫縛，無明稠林以為覆障，於三界內莫能自出。我當令彼永離三有，住無障礙大涅槃中。』

(《4~4 化梵行求眾生；分『2~1 化邪求眾生』；『2~2 化同法小乘眾生』
(『2~1 化邪求眾生』)

又作是念：『一切眾生執著於我，於諸蘊窟宅不求出離，依六處空聚，起四顛倒行，為四大毒蛇之所侵惱，五蘊怨賊之所殺害，受無量苦。我當令彼住於最勝無所著處，所謂：滅一切障礙無上涅槃。』

(『2~2 化同法小乘眾生』)

又作是念：『一切眾生其心狹劣，不行最上一切智道，雖欲出離，但樂聲聞、辟支佛乘。我當令住廣大佛法、廣大智慧。』佛子！菩薩如是護持於戒，善能增長慈悲之心。
(以上，第二離垢地，位行畢)

(位果)

(十地之「位果」，除第一歡喜地有調柔果、發趣果、攝報果、願智果四果外，其他各地均無「發趣果」)

3~1 調柔果之調柔相中，明「見佛為練行緣」

「佛子！菩薩住此離垢地，以願力故，得見多佛。所謂：見多百佛、多千佛、多百千佛、多億佛、多百億佛、多千億佛、多百千億佛，如是乃至見多百千億那由他佛。

3~1 調柔果之調柔相中，明「能練行之 1. 供養、2. 受法」

1. 於諸佛所，以廣大心、深心，恭敬尊重，承事供養，衣服、飲食、臥具、醫藥，一切資生悉以奉施，亦以供養一切眾僧，以此善根迴向阿耨多羅三藐三菩提。
2. 於諸佛所，以尊重心，復更受行十善道法，隨其所受，乃至菩提，終不忘失。

3~1 調柔果之調柔相中，明「能練行之所練清淨」

是菩薩於無量百千億那由他劫，遠離慳嫉破戒垢故，佈施、持戒清淨滿足。」（調柔相）

3~1 調柔果之調柔相之比喻

譬如真金置礬石中，如法鍊已，離一切垢，轉復明淨。菩薩住此離垢地，亦復如是，於無量百千億那由他劫，遠離慳嫉破戒垢故，佈施、持戒清淨滿足。

3~1 調柔果之別地行相

佛子！此菩薩，四攝法中，愛語偏多；十波羅蜜中，持戒偏多；餘非不行，但隨力隨分。

「佛子！是名：略說菩薩摩訶薩第二離垢地。」

3~2 攝報果

1. 菩薩住此地，多作轉輪聖王，為大法主，具足七寶，有自在力，能除一切眾生慳貪破戒垢，以善方便令其安住十善道中；為大施主，周給無盡。佈施、愛語、利行、同事——如是一切諸所作業，皆不離念佛，不離念法，不離念僧，乃至不離念具足一切種、一切智智。
2. 又作是念：『我當於一切眾生中為首、為勝、為殊勝、為妙、為微妙、為上、為無上，乃至為一切智智依止者。』
3. 是菩薩若欲捨家於佛法中勤行精進，便能捨家、妻子、五欲。既出家已，勤行精進，於一念頃，得千三昧，得見千佛，知千佛神力，能動千世界，乃至能示現千身，於一一身能示現千菩薩以為眷屬；

3~3 願智果

若以菩薩殊勝願力自在示現，過於是數，百劫、千劫乃至百千億那由他劫不能數知。」

(第二離垢地頌，15)

爾時，金剛藏菩薩欲重宣其義而說頌曰：

(十種深心，1)

質直柔軟及堪能，調伏寂靜與純善，速出生死廣大意，以此十心入二地。

(律儀戒，2)

住此成就戒功德，遠離殺生不惱害，亦離偷盜及邪淫，妄惡乖離無義語
不貪財物常慈愍，正道直心無諂偽，離險捨慢極調柔，依教而行不放逸

(攝善戒，2.5)

地獄畜生受眾苦，餓鬼燒然出猛焰，一切皆由罪所致，我當離彼住實法
人中隨意得受生，乃至頂天禪定樂，獨覺聲聞佛乘道，皆因十善而成就
如是思惟不放逸，自持淨戒教他護，

(攝眾生戒，4.5)

復見群生受眾苦，轉更增益大悲心
凡愚邪智不正解，常懷忿恨多諍訟，貪求境界無足期，我應令彼除三毒
愚癡大暗所纏覆，入大險道邪見網，生死籠檻怨所拘，我應令彼摧魔賊
四流漂蕩心沒溺，三界焚如苦無量，計蘊為宅我在中，為欲度彼勤行道
設求出離心下劣，捨於最上佛智慧，我欲令彼住大乘，發勤精進無厭足

(位果，4)(結歎，1)

菩薩住此集功德，見無量佛咸供養，億劫修治善更明，如以好藥鍊真金
佛子住此作輪王，普化眾生行十善，所有善法皆修習，為成十力救於世
欲捨王位及財寶，即棄居家依佛教，勇猛精勤一念中，獲千三昧見千佛
所有種種神通力，此地菩薩皆能現，願力所作復過此，無量自在度群生
一切世間利益者，所修菩薩最勝行，如是第二地功德，為諸佛子已開演」

(第二離垢地，畢)

(第三地【發光地】，此位修色無色界八禪定，善達色無色界世間禪體，令智慧明淨故。此界修三界業障盡，以定能發慧光故。因前二地，修布施、持戒已竟，能持微細戒品，但未得圓滿世間等持、等至，及圓滿聞法總持，今為得此故，令勤修色、無色界八種禪定)(p29~36)

(讚請，六頌)

佛子得聞此地行，菩薩境界難思議，靡不恭敬心歡喜，散華空中為供養讚言善哉大山王，慈心愍念諸眾生，善說智者律儀法，第二地中之行相是諸菩薩微妙行，真實無異無差別，為欲利益諸群生，如是演說最清淨一切人天供養者，願為演說第三地，與法相應諸智業，如其境界希具闡大仙所有施戒法，忍辱精進禪智慧，及以方便慈悲道，佛清淨行願皆說

時，解脫月復請言：

「無畏大士金剛藏，願說趣入第三地，柔和心者諸功德！」
爾時，金剛藏菩薩告解脫月菩薩言：

(入第三發光地，應起十種深心=心理上的認知、氛圍、心態
=起厭離行心，及堅固廣大心)

「佛子！菩薩摩訶薩已淨第二地，欲入第三地，當起十種深心。何等為十？所謂：清淨心、安住心、厭捨心、離貪心、不退心、堅固心、明盛心、勇猛心、廣心、大心。菩薩以是十心，得入第三地。(起厭分竟)

(起厭離心後，要修離厭行，分3)

(3~1:修行「護煩惱行」，以「觀有為可厭患」故)

(3~2:修行「護小乘行」，求一切智，深念眾生，捨狹劣心故，30句)

(3~3:修行「方便攝生行」：

前面是起厭離心後，要修離厭之行，更要修「方便攝受眾生之行」)

(3~1:修行「護煩惱行」，以「觀有為可厭患」故)

「佛子！菩薩摩訶薩住第三地已，觀一切有為法如實相。

1. 所謂：無常、苦、不淨、不安隱，敗壞、不久住，剎那生滅，非從前際生，非向後際去，非於現在住。(1. 觀無常即知有為體性，10句)

2.又觀此法無救、無依，與憂、與悲，苦惱同住，愛憎所繫，愁戚轉多，無有停積，貪、恚、癡火熾然不息，眾患所纏，日夜增長，如幻不實。

(2.觀無救即就人彰過)

(3~2:修行護小乘行，求一切智，深念眾生，捨狹劣心故，30句)

(護小心，10句)

見如是已，於一切有為倍增厭離，趣佛智慧，見佛智慧不可思議、無等無量、難得無雜、無惱無憂，至無畏城，不復退還，能救無量苦難眾生。

(護狹心，20句)

菩薩如是見如來智慧無量利益，見一切有為無量過患，則於一切眾生生十種哀愍心。何等為十？所謂：見諸眾生孤獨無依，生哀愍心；見諸眾生貧窮困乏，生哀愍心；見諸眾生三毒火然，生哀愍心；見諸眾生諸有牢獄之所禁閉，生哀愍心；見諸眾生煩惱稠林恆所覆障，生哀愍心；見諸眾生不善觀察，生哀愍心；見諸眾生無善法欲，生哀愍心；見諸眾生失諸佛法，生哀愍心；見諸眾生隨生死流，生哀愍心；見諸眾生失解脫方便，生哀愍心。是為十。

(因為以上，決心救度)

菩薩如是見眾生界無量苦惱，發大精進，作是念言：『此等眾生，我應救，我應脫，我應淨，我應度；應著善處，應令安住，應令歡喜，應令知見，應令調伏，應令涅槃。』

(3~3 修行「方便攝(受眾生)行」：

前面是起厭離心後，要修離厭之行後，更要修「方便攝受眾生之行」)

(發起攝行之因)

菩薩如是厭離一切有為，如是愍念一切眾生，知一切智智有勝利益，欲依如來智慧救度眾生，

(思求如何方便攝生?)

作是思惟：『此諸眾生墮在煩惱大苦之中，以何方便而能拔濟，令住究竟涅槃之樂？』

(思得方便、依思修行)

便作是念：『欲度眾生令住涅槃，不離無障礙解脫智；無障礙解脫智，不離一切法如實覺；一切法如實覺，不離無行無生行慧光；無行無生行慧光，不離禪善巧決定觀察智；禪善巧決定觀察智，不離善巧多聞。』

(於正法勤求修習)=求法行

菩薩如是觀察了知己，倍於正法勤求修習，日夜唯願聞法、喜法、樂法、依法、隨法、解法、順法、到法、住法、行法。

(常勤求修正法之因=求因行，有 6)

(6~1:輕財重法)

菩薩如是勤求佛法，所有珍財皆無吝惜，不見有物難得可重，但於能說佛法之人生難遭想。

(6~2:雙捨內外)

是故，菩薩於內外財，為求佛法悉能捨施。無有恭敬而不能行，

(6~3:內財敬事)

無有憍慢而不能捨，無有承事而不能作，無有勤苦而不能受。

(6~4:況捨外財)

若聞一句未曾聞法，生大歡喜，勝得三千大千世界滿中珍寶；

(6~5:輕位重法)

若聞一偈未聞正法，生大歡喜，勝得轉輪聖王位；

若得一偈未曾聞法，能淨菩薩行，勝得帝釋梵王位住無量百千劫。

(6~6:甘苦重法)

若有人言：『我有一句佛所說法，能淨菩薩行。汝今若能入大火坑，受極大苦，當以相與。』菩薩爾時作如是念：『我以一句佛所說法，淨菩薩行故，假使三千大千世界大火滿中，尚欲從於梵天之上投身而下，親自受取，況小火坑而不能入！然我今者為求佛法，應受一切地獄眾苦，何況人中諸小苦惱！』

菩薩如是發勤精進求於佛法，如其所聞觀察修行。（修厭離行，畢）

(修完厭離行=聞思，更要落實於修行中，即開始要

修慧=五種方便中第四禪善巧決定觀察智)

(以下勤修四禪，及四空，共八定)

(以下是華嚴經三種禪觀之「定型句」，

另有「簡短型，第11冊 p1980」、「救度型、第14冊，p2512)

此菩薩得聞法已，攝心安住，於空閑處作是思惟：『如說修行乃得佛法，非但口言而可清淨。』

「佛子！是菩薩住此發光地時，

(修初禪)

即離欲惡不善法，有覺有觀，離生喜樂，住初禪；

(住二禪)

滅覺觀，內淨一心，無覺無觀，定生喜樂，住第二禪；

(住三禪)

離喜住捨，有念正知，身受樂，諸聖所說能捨有念受樂，住第三禪；

(住四禪)

斷樂先除，苦喜憂滅，不苦不樂，捨念清淨，住第四禪；

(以下入四空定)

(離第四禪，立『空無邊處』，因離下地染，與心一境性，不同)

超一切色想，滅有對想，不念種種想，入無邊虛空，住虛空無邊處；

(識無邊處)

超一切虛空無邊處，入無邊識，住識無邊處；

(無所有處)

超一切識無邊處，入無少所有，住無所有處；

(非想非非想處)

超一切無所有處，住非有想非無想處。
但隨順法故，行而無所樂著。

(勤修以上八定所等引之果，有二種：

2~1:四無量即行方便果，2~2:五神通即行功用果)

(2~1:四無量即行方便果)

「佛子！此菩薩心隨於慈，廣大無量不二，無怨無對，無障無惱，遍至一切處，盡法界、虛空界，遍一切世間；住悲、喜、捨亦復如是。

(2~2:五神通即行功用果)

(身通)

「佛子！此菩薩得無量神通力，能動大地；以一身為多身，多身為一身，或隱或顯；石壁山障，所往無礙，猶如虛空；於虛空中跏趺而去，同於飛鳥；入地如水，履水如地；身出煙焰，如大火聚；復雨於水，猶如大雲；日月在空，有大威力，而能以手捫摸摩觸；其身自在，乃至梵世。

(耳通)

此菩薩天耳清淨過於人耳，悉聞人、天若近若遠所有音聲，乃至蚊蚋、虻蠅等聲亦悉能聞。

(他心通)

此菩薩以他心智，如實而知他眾生心。所謂：有貪心，如實知有貪心；離貪心，如實知離貪心；有瞋心、離瞋心，有癡心、離癡心，有煩惱心、無煩惱心，小心、廣心，大心、無量心，略心、非略心，散心、非散心，定心、非定心，解脫心、非解脫心，有上心、無上心，雜染心、非雜染心，廣心、非廣心，皆如實知。菩薩如是以他心智知眾生心。

(宿住智通)

此菩薩念知無量宿命差別，所謂：『念知一生，念知二生、三生、四生，乃至十生、二十、三十，乃至百生、無量百生、無量千生、無量百千生，成劫、壞劫、成壞劫、無量成壞劫，我曾在某處，如是名，如是姓，如是

種族，如是飲食，如是壽命，如是久住，如是苦樂。我於彼死，生於某處，從某處死，生於此處，如是形狀，如是相貌，如是言音。』如是過去無量差別，皆能憶念。

(天眼通)

此菩薩天眼清淨過於人眼，見諸眾生時、死時、好色、惡色，善趣、惡趣，隨業而去。若彼眾生成就身惡行，成就語惡行，成就意惡行，誹謗賢聖；具足邪見及邪見業因緣，身壞命終，必墮惡趣，生地獄中。若彼眾生成就身善行，成就語善行，成就意善行，不謗賢聖，具足正見；正見業因緣，身壞命終，必生善趣諸天之中。菩薩天眼皆如實知。

此菩薩於諸禪三昧、三摩鉢底能入能出，然不隨其力受生，但隨能滿菩提分處，以意願力而生其中。 (以上，第三發光地位行畢)

(第三發光地位果，分 3~1 調柔果； 3~2:攝報果； 3~3 願智果)

(3~1 調柔果中，能練行緣)

「佛子！是菩薩住此發光地，以願力故，得見多佛。
所謂：見多百佛，見多千佛，見多百千佛，乃至見多百千億那由他佛。

(3~1 調柔果中，能練行)

悉以廣大心、深心，恭敬尊重，承事供養，衣服、飲食、臥具、湯藥，一切資生悉以奉施，亦以供養一切眾僧，以此善根迴向阿耨多羅三藐三菩提。於其佛所，恭敬聽法，聞已受持，隨力修行。此菩薩觀一切法，不生不滅，因緣而有；

(3~1 調柔果中，所練淨)

見縛先滅，一切欲縛、色縛、有縛、無明縛皆轉微薄；於無量百千億那由他劫不積集故，邪貪、邪瞋及以邪癡，悉得除斷，所有善根轉更明淨。佛子！譬如真金善巧鍊治，稱兩不減，轉更明淨。菩薩亦復如是，住此發光地，不積集故，邪貪、邪瞋及以邪癡，皆得除斷，所有善根轉更明淨。此菩薩忍辱心、柔和心、諧順心、悅美心、不瞋心、不動心、不濁心、無高下心、不望報心、報恩心、不諂心、不誑心、無諛誑心皆轉清淨。此菩薩於四攝中，**利行偏多**；十波羅蜜中，**忍波羅蜜偏多**；餘非不修，但隨力隨分。

(3~2 攝報果)

「佛子！是名菩薩第三發光地。菩薩住此地，多作三十三天王，能以方便，令諸眾生捨離貪慾。佈施、愛語、利行、同事一一，如是一切諸所作業，皆不離念佛，不離念法，不離念僧，乃至不離念具足一切種、一切智智。復作是念：『我當於一切眾生中為首、為勝、為殊勝、為妙、為微妙、為上、為無上，乃至為一切智智依止者。』若勤行精進，於一念頃，得百千三昧，得見百千佛，知百千佛神力，能動百千佛世界，乃至示現百千身，一一身百千菩薩以為眷屬；

(3~3 願智果)

若以菩薩殊勝願力自在示現，過於此數，百劫、千劫乃至百千億那由他劫不能數知。」

(頌，18)

爾時，金剛藏菩薩欲重宣其義而說頌曰：

(起厭分行，1)

清淨安住明盛心，厭離無貪無害心，堅固勇猛廣大心，智者以此入三地。

(護煩惱行，2)

菩薩住此發光地，觀諸行法苦無常，不淨敗壞速歸滅，無堅無住無來往
觀諸有為如重病，憂悲苦惱惑所纏，三毒猛火恆熾然，無始時來不休息

(護小乘行，3)

厭離三有不貪著，專求佛智無異念，難測難思無等倫，無量無邊無逼惱
見佛智已愍眾生，孤獨無依無救護，三毒熾然常困乏，住諸有獄恆受苦
煩惱纏覆盲無目，志樂下劣喪法寶，隨順生死怖涅槃，我應救彼勤精進

(方便攝行，7)

將求智慧益眾生，思何方便令解脫，不離如來無礙智，彼復無生慧所起
心念此慧從聞得，如是思惟自勤勵，日夜聽習無間然，唯以正法為尊重
國城財貝諸珍寶，妻子眷屬及王位，菩薩為法起敬心，如是一切皆能捨
頭目耳鼻舌牙齒，手足骨髓心骨肉，此等皆捨未為難，但以聞法為最難
設有人來語菩薩：孰能投身大火聚，我當與汝佛法寶！聞已投之無怯懼

假使火滿三千界，身從梵世而投入，為求法故不為難，況復人間諸小苦從初發意至得佛，其間所有阿鼻苦，為聞法故皆能受，何況人中諸苦事

(厭分及果，1)

聞已如理正思惟，獲得四禪無色定，四等五通次第起，不隨其力而受生

(位果，3)(結，1)

菩薩住此見多佛，供養聽聞心決定，斷諸邪惑轉清淨，如鍊真金體無減住此多作忉利王，化導無量諸天眾，令捨貪心住善道，一向專求佛功德佛子住此勤精進，百千三昧皆具足，見百千佛相嚴身，若以願力復過是一切眾生普利益，彼諸菩薩最上行，如是所有第三地，我依其義已解釋

(第三發光地，畢)

第四地【燄慧地】，第三地修上界八禪，得出三界智慧，

此修【37 助道觀門】，觀身受心法，轉加明淨，故名為燄慧地)P36~41

(頌，6)

佛子聞此廣大行，可樂深妙殊勝地，心皆踴悅大歡喜，普散眾華供養佛。演說如是妙法時，大地海水皆震動，一切天女咸歡喜，悉吐妙音同讚歎自在天王大欣慶，兩摩尼寶供養佛，讚言佛為我出興，演說第一功德行如是智者諸地義，於百千劫甚難得，我今忽然而得聞，菩薩勝行妙法音願更演說聰慧者，後地決定無餘道，利益一切諸天人，此諸佛子皆樂聞勇猛大心解脫月，請金剛藏言佛子！從此轉入第四地，所有行相願宣說

(入第四焰慧地，當修行十法明門=清淨對治修行增長因)

爾時，金剛藏菩薩告解脫月菩薩言：

「佛子！菩薩摩訶薩第三地善清淨已，欲入第四焰慧地，當修行十法明門。何等為十？」

所謂觀察眾生界、觀察法界、觀察世界、觀察虛空界、觀察識界、觀察欲界、觀察色界、觀察無色界、觀察廣心信解界、觀察大心信解界。菩薩以此十法明門，得入第四焰慧地。

(初入焰慧地的「出障行」=於如來家，轉有勢力故)

「佛子！菩薩住此焰慧地，則能以十種智成熟法故，得彼內法，生如來家。何等為十？所謂：深心不退故；於三寶中生淨信，畢竟不壞故；觀諸行生滅故；觀諸法自性無生故；觀世間成壞故；觀因業有生故；觀生死涅槃繫故；觀眾生國土業故；觀前際後際故；觀無所有盡故。是為十。

(以下護煩惱行=如何離開煩惱，對治修行增長之行=修 37 道品，7 類
(7~1:四念處=對治顛倒道之「觀內之身、受、心、法」)

佛子！菩薩住此第四地，

觀內身循身觀，勤勇念知，除世間貪憂；觀外身循身觀，勤勇念知，除世間貪憂；觀內外身循身觀，勤勇念知，除世間貪憂；

如是，觀內受、外受、內外受循受觀，

觀內心、外心、內外心循心觀，

觀內法、外法、內外法循法觀，勤勇念知，除世間貪憂。

(7~2:四正勤=斷諸懈怠道)

復次，此菩薩未生諸惡不善法為不生故，欲生勤精進發心正斷；已生諸惡不善法為斷故，欲生勤精進發心正斷；未生諸善法為生故，欲生勤精進發心正行；已生諸善法為住不失故，修令增廣故，欲生勤精進發心正行。

(7~3:四神足=甲發神通道)

復次，此菩薩修行欲定斷行，成就神足，依止厭，依止離，依止滅，迴向於捨；修行精進定、心定、觀定斷行，成就神足，依止厭，依止離，依止滅，迴向於捨。

(7~4:五根=現觀方便道)

復次，此菩薩修行信根，依止厭，依止離，依止滅，迴向於捨；修行精進根、念根、定根、慧根，依止厭，依止離，依止滅，迴向於捨。

(7~5:五力=親近現觀道)

復次，此菩薩修行信力，依止厭，依止離，依止滅，迴向於捨；修行精進力、念力、定力、慧力，依止厭，依止離，依止滅，迴向於捨。

(7~6:七覺支=現觀自体道)

復次，此菩薩修行念覺分，依止厭，依止離，依止滅，迴向於捨；修行擇法覺分、精進覺分、喜覺分、猗覺分、定覺分、捨覺分，依止厭，依止離，依止滅，迴向於捨。

(7~7:八正道=現觀後起道)

復次，此菩薩修行正見，依止厭，依止離，依止滅，迴向於捨；修行正思惟、正語、正業、正命、正精進、正念、正定，依止厭，依止離，依止滅，迴向於捨。

(以上是護煩惱行，以下是護小乘行，)

菩薩修行如是功德，為不捨一切眾生故，本願所持故，大悲為首故，大慈成就故，思念一切智智故，成就莊嚴佛土故，成就如來力、無所畏、不共佛法、相好音聲悉具足故，求於上上殊勝道故，隨順所聞甚深佛解脫故，思惟大智善巧方便故。

(護煩惱行、護小乘行後，所得之果，各有離障果、成德果)

(護煩惱行得離障果，分 2~1:「離惑障」及 2~2:「離業障」)

(2~1:「離惑障」=煩惱染生遠離果)

「佛子！菩薩住此焰慧地，所有身見為首，我、人、眾生、壽命、蘊、界、處所起執著，出沒思惟；觀察治故，我所故，財物故，著處故，於如是等一切皆離。

(2~2:「離業障」)

此菩薩若見業是如來所訶、煩惱所染，皆悉捨離；若見業是順菩薩道、如來所讚，皆悉修行。

(「離惑障」「離業障」後，成就的果德有 4)

(4~1:於勝功德生增上心欲果)

「佛子！此菩薩隨所起方便慧，修習於道及助道分，如是而得潤澤心、柔

軟心、調順心、利益安樂心、無雜染心、求上上勝法心、求殊勝智慧心、救一切世間心、恭敬尊德無違教命心、隨所聞法皆善修行心。

(4~2:說法尊中起報恩心果)

此菩薩知恩、知報恩，心極和善，同住安樂，質直柔軟，無稠林行，無有我慢，善受教誨，得說者意。此菩薩如是忍成就，如是調柔成就，如是寂滅成就，

(4~3 發勤精進果)

如是忍、調柔、寂滅成就；淨治後地業，作意修行時，得不休息精進、不雜染精進、不退轉精進、廣大精進、無邊精進、熾然精進、無等等精進、無能壞精進、成熟一切眾生精進、善分別道非道精進。

(4~4:彼增上欲本心界滿足果)

是菩薩心界清淨，深心不失，悟解明利，善根增長，離世垢濁，斷諸疑惑，明斷具足，喜樂充滿，佛親護念，無量志樂皆悉成就。

(第四燄慧地，位行，畢)

(第四燄慧地位果)

(3~1:調柔果之「練行緣」)

「佛子！菩薩住此燄慧地，以願力故，得見多佛。所謂：見多百佛，見多千佛，見多百千佛，乃至見多百千億那由他佛。

(3~1:調柔果之「能練行」)

皆恭敬尊重，承事供養，衣服、臥具、飲食、湯藥，一切資生悉以奉施，亦以供養一切眾僧，以此善根皆悉迴向阿耨多羅三藐三菩提。於彼佛所，恭敬聽法，聞已受持，具足修行。復於彼諸佛法中出家修道，

(3~1:調柔果之「所練淨」)

又更修治深心信解，經無量百千億那由他劫，令諸善根轉復明淨。佛子！譬如金師鍊治真金作莊嚴具，餘所有金皆不能及；菩薩摩訶薩亦復如是，住於此地所有善根，下地善根所不能及。

(3~1:調柔果之「教智淨」)

如摩尼寶清淨光輪能放光明，非諸餘寶之所能及，風雨等緣悉不能壞；菩薩摩訶薩亦復如是，住於此地，下地菩薩所不能及，眾魔煩惱悉不能壞。

(3~1:調柔果之「別地行相」)

此菩薩於四攝中，同事偏多；十波羅蜜中，精進偏多；餘非不修，但隨力隨分。

「佛子！是名：略說菩薩摩訶薩第四焰慧地。

(3~2:攝報果之「上勝身」)

菩薩住此地，多作須夜摩天王，以善方便能除眾生身見等惑，令住正見。佈施、愛語、利行、同事——如是一切諸所作業，皆不離念佛，不離念法，不離念僧，乃至不離念具足一切種、一切智智。

(3~2:攝報果之「上勝果」)

復作是念：『我當於一切眾生中為首、為勝、為殊勝、為妙、為微妙、為上、為無上，乃至為一切智智依止者。』是菩薩若發勤精進，於一念頃，得入億數三昧，得見億數佛，得知億數佛神力，能動億數世界，乃至能示現億數身，一一身億數菩薩以為眷屬；

(3~3:願智果)

若以菩薩殊勝願力自在示現，過於此數，百劫、千劫乃至百千億那由他劫不能數知。」

爾時，金剛藏菩薩欲重宣其義而說頌言：(17 頌)

(增長因，1)

菩薩已淨第三地，次觀眾生世法界，空界識界及三界，心解悉了能趣入。

(清淨分，2)

始登焰地增勢力，生如來家永不退，於佛法僧信不壞，觀法無常無有起觀世成壞業有生，生死涅槃剎等業，觀前後際亦觀盡，如是修行生佛家

(護煩惱，2)

得是法已增慈愍，轉更勤修四念處，身受心法內外觀，世間貪愛皆除遣
菩薩修治四勤行，惡法除滅善增長，神足根力悉善修，七覺八道亦如是

(護小乘，2)

為度眾生修彼行，本願所護慈悲首，求一切智及佛土，亦念如來十種力
四無所畏不共法，殊特相好深美音；亦求妙道解脫處，及大方便修行彼

(修行增長果，5)

身見為首六十二，我及我所無量種，蘊界處等諸取著，此四地中一切離
如來所訶煩惱行，以無義利皆除斷；智者修行清淨業，為度眾生無不作
菩薩勤修不懈怠，即得十心皆具足，專求佛道無厭倦，志期受職度眾生
恭敬尊德修行法，知恩易誨無慍暴，捨慢離諂心調柔，轉更精勤不退轉
菩薩住此焰慧地，其心清淨永不失，悟解決定善增長，疑網垢濁悉皆離

(供佛等及結，5)

此地菩薩人中勝，供那由他無量佛，聽聞正法亦出家，不可沮壞如真金
菩薩住此具功德，以智方便修行道，不為眾魔心退轉，譬如妙寶無能壞
住此多作焰天王，於法自在眾所尊，普化群生除惡見，專求佛智修善業
菩薩勤加精進力，獲三昧等皆億數；若以願智力所為，過於此數無能知
如是菩薩第四地，所行清淨微妙道，功德義智共相應，我為佛子已宣說

(第四燄慧地，畢)

(第五地【難勝地】，以禪波羅蜜發起善根、慈悲喜捨，通達世法，下地不
如故。隨順真如，以十門觀苦集滅道，起大慈觀、大悲觀，隨順世
智，修習五明(聲明、因明、醫方明、工巧明、內明)P41~48

(9.5 頌)

菩薩聞此勝地行，於法解悟心歡喜，空中雨華讚歎言：善哉大士金剛藏
自在天王與天眾，聞法踴躍住虛空，普放種種妙光雲，供養如來喜充遍
天諸采女奏天樂，亦以言辭歌讚佛，悉以菩薩威神故，於彼聲中發是言
佛願久遠今乃滿，佛道久遠今乃得，釋迦文佛至天宮，利天人者久乃見

大海久遠今始動，佛光久遠今乃放，眾生久遠始安樂，大悲音聲久乃聞
功德彼岸皆已到，憍慢黑闇皆已滅，最極清淨如虛空，不染世法猶蓮華
大牟尼尊現於世，譬如須彌出巨海，供養能盡一切苦，供養必得諸佛智
此應供處供無等，是故歡心供養佛。如是無量諸天女，發此言辭稱讚已
一切恭敬喜充滿，瞻仰如來默然住。

(以十種平等清淨心「趣入=入心」第五難勝地)

是時大士解脫月，復請無畏金剛藏：「第五地中諸行相，唯願佛子為宣說
爾時，金剛藏菩薩告解脫月菩薩言：

「佛子！菩薩摩訶薩第四地所行道善圓滿已，欲入第五難勝地，當以十種
平等清淨心趣入。何等為十？所謂：於過去佛法平等清淨心、未來佛法平
等清淨心、現在佛法平等清淨心、戒平等清淨心、心平等清淨心、除見疑
悔平等清淨心、道非道智平等清淨心、修行智見平等清淨心、於一切菩提
分法上上觀察平等清淨心、教化一切眾生平等清淨心。菩薩摩訶薩以此十
種平等清淨心，得入菩薩第五地。

(第四地修菩提分，以第四地之十心，能「善清淨」，是淨心希求勝相，即
是「慢」。此第五地以「轉求」不住道行勝為能治，謂「不住淨心而起諸
行」，即治「淨慢」，故先對治「自地慢」)

(先「對治自地慢」)

「佛子！菩薩摩訶薩住此第五地已，以善修菩提分法故，善淨深心故，
復轉求上勝道故，隨順真如故，願力所持故，於一切眾生慈愍不捨故，積
集福智助道故，精勤修習不息故，出生善巧方便故，觀察照明上上地故，
受如來護念故，念智力所持故，得不退轉心。

(拿掉「清淨心」產生之「慢心」後，即要修「不住於道」之更進一步的
「勝行」=「不住道勝行」。

分為自利、利他 2 種層面。二者容時相互引導，名為「不住道」。

2~1: 自利之護煩惱行=以十種觀，觀察苦集滅道=所知法中智清淨勝

2~2 利他之護小乘行=不住涅槃，起大悲觀、大慈觀廣度眾生

=利益眾生勤方便勝)

(2~1:自利之護煩惱行=以十種觀，觀察苦集滅道=所知法中智清淨勝)
「佛子！此菩薩摩訶薩如實知此是苦聖諦、此是苦集聖諦、此是苦滅聖諦、此是苦滅道聖諦，

善知俗諦，善知第一義諦，善知相諦，善知差別諦，善知成立諦，善知事諦，善知生諦，善知盡無生諦，善知入道智諦，善知一切菩薩地次第成就諦，乃至善知如來智成就諦。

此菩薩隨眾生心樂令歡喜故，知俗諦；通達一實相故，知第一義諦；覺法自相、共相故，知相諦；

了諸法分位差別故，知差別諦；善分別蘊、界、處故，知成立諦；覺身心苦惱故，知事諦；覺諸趣生相續故，知生諦；一切熱惱畢竟滅故，知盡無生智諦；出生無二故，知入道智諦；

正覺一切行相故，善知一切菩薩地次第相續成就，乃至如來智成就諦。以信解智力知，非以究竟智力知。

(2~2 利他之護小乘行=不住涅槃，起大悲觀、大慈觀廣度眾生
=利益眾生勤方便勝)

「佛子！此菩薩摩訶薩得如是諸諦智已，如實知一切有為法虛妄、詐偽、誑惑愚夫。菩薩爾時，於諸眾生轉增大悲，生大慈光明。

佛子！此菩薩摩訶薩得如是智力，不捨一切眾生，常求佛智，

(起大悲觀)

如實觀一切有為行前際、後際。知從前際無明、有、愛，故生生死流轉，於諸蘊宅不能動出，增長苦聚；無我、無壽者、無養育者、無更數取後趣身者，離我、我所。如前際，後際亦如是，皆無所有。虛妄、貪著，斷盡出離；若有若無，皆如實知。

(於大悲觀中，觀深重苦)

佛子！此菩薩摩訶薩復作是念：『此諸凡夫愚癡無智，甚為可愍。有無數身已滅、今滅、當滅，如是盡滅，不能於身而生厭想，轉更增長機關苦事，隨生死流不能還返，於諸蘊宅不求出離，不知憂畏四大毒蛇，不能拔出諸慢見箭，不能息滅貪、恚、癡火，不能破壞無明黑暗，不能乾竭愛

欲大海，不求十力大聖導師；入魔意稠林，於生死海中，為覺觀波濤之所漂溺。』

（因大悲觀而起大慈觀=睹境興慈）

佛子！此菩薩摩訶薩復作是念：『此諸眾生受如是苦，孤窮困迫，無救無依，無洲無捨，無導無目，無明覆翳，黑暗纏裹。我今為彼一切眾生，修行福智助道之法，獨一發心，不求伴侶；以是功德，令諸眾生畢竟清淨，乃至獲得如來十力、無礙智慧。』

（因有慈心而廣願饒益眾生）

佛子！此菩薩摩訶薩以如是智慧觀察所修善根，皆為救護一切眾生，利益一切眾生，安樂一切眾生，哀愍一切眾生，成就一切眾生，解脫一切眾生，攝受一切眾生；令一切眾生離諸苦惱，令一切眾生普得清淨，令一切眾生悉皆調伏，令一切眾生入般涅槃。

（在以上所修之「不住道行勝」所得之果亦殊勝，4方面說

4~1:攝功德殊勝，10句；

4~2 修行勝果，11句

4~3 教化眾生勝果=四攝法

4~4 隨順世智勝果=修「五明」對治煩惱障、所知障=染障對治)

（4~1:攝功德殊勝，10句）

「佛子！菩薩摩訶薩住此第五難勝地，名為：

（攝聞勝，3）

念者，不忘諸法故；名為：智者，能善決了故；名為：有趣者，知經意趣，次第連合故；

（攝戒勝，2）

名為：慚愧者，自護、護他故；名為：堅固者，不捨戒行故；

(攝智勝，5)

名為：覺者，能觀是處、非處故；名為：隨智者，不隨於他故；名為：隨慧者，善知義、非義句差別故；名為：神通者，善修禪定故；名為：方便善巧者，能隨世行故；

(4~2 修行勝果，11 句)

名為：無厭足者，善集福德故；名為：不休息者，常求智慧故；
名為：不疲倦者，集大慈悲故；
名為：為他勤修者，欲令一切眾生入涅槃故；
名為：勤求不懈者，求如來力、無畏、不共法故；
名為：發意能行者，成就莊嚴佛土故；
名為：勤修種種善業者，能具足相好故；
名為：常勤修習者，求莊嚴佛身、語、意故；
名為：大尊重恭敬法者，於一切菩薩法師處如教而行故；
名為：心無障礙者，以大方便常行世間故；
名為：日夜遠離餘心者，常樂教化一切眾生故。

(4~3 教化眾生勝果=四攝法)

「佛子！菩薩摩訶薩如是勤修行時，以佈施教化眾生，以愛語、利行、同事教化眾生，示現色身教化眾生，演說諸法教化眾生，開示菩薩行教化眾生，顯示如來大威力教化眾生，示生死過患教化眾生，稱讚如來智慧利益教化眾生，現大神通力教化眾生，以種種方便行教化眾生。佛子！此菩薩摩訶薩能如是勤方便教化眾生，心恆相續，趣佛智慧；所作善根，無有退轉，常勤修學殊勝行法。

(4~4 隨順世智勝果=修「五明」對治煩惱障、所知障=染障對治)

「佛子！此菩薩摩訶薩為利益眾生故，世間技藝靡不該習。

(1 聲明)

所謂：文字、算數、

(2 因明)

圖書、印璽；地、水、火、風，種種諸論，咸所通達；

(3 醫方明)

又善方藥，療治諸病——顛狂、乾消、鬼魅、蠱毒，悉能除斷；

(4 工巧明)

文筆、讚詠、歌舞、妓樂、戲笑、談說，悉善其事；國城、村邑、宮宅、園苑、泉流、陂池、草樹、花藥，凡所布列，咸得其宜；金銀、摩尼、真珠、琉璃、螺貝、璧玉、珊瑚等藏，悉知其處，出以示人；日月星宿、鳥鳴地震、夜夢吉凶，身相休咎，咸善觀察，一無錯謬；

(5 內明)

持戒入禪，神通無量，四無色等及餘一切世間之事，但於眾生不為損惱，為利益故咸悉開示，漸令安住無上佛法。(以上，第五難勝地，位行，畢)

(以下第五難勝地之「位果」，分3)

(3~1:第五難勝地之「調柔果」中之「調柔行」)

「佛子！菩薩住是難勝地，以願力故，得見多佛。所謂：見多百佛，見多千佛，見多百千佛，乃至見多百千億那由他佛。悉恭敬尊重，承事供養，衣服、飲食、臥具、湯藥，一切資生悉以奉施，亦以供養一切眾僧，以此善根迴向阿耨多羅三藐三菩提。於諸佛所，恭敬聽法，聞已受持，隨力修行。復於彼諸佛法中而得出家；既出家已，又更聞法，得陀羅尼，為聞持法師。住此地中，經於百劫，經於千劫，乃至無量百千億那由他劫，所有善根轉更明淨。佛子！譬如真金，以硨磲磨瑩，轉更明淨；

(3~1:第五難勝地之「調柔果」中之「教智淨」)

此地菩薩所有善根亦復如是，以方便慧思惟觀察，轉更明淨。佛子！菩薩住此難勝地，以方便智成就功德，下地善根所不能及。佛子！如日月星宿、宮殿光明，風力所持，不可沮壞，亦非餘風所能傾動；

(3~1:第五難勝地之「調柔果」中之「別地行相」)

此地菩薩所有善根亦復如是，以方便智隨逐觀察，不可沮壞，亦非一切聲聞、獨覺世間善根所能傾動。此菩薩，十波羅蜜中，禪波羅蜜偏多；餘非不修，但隨力隨分。「佛子！是名：略說菩薩摩訶薩第五難勝地。

(3~2:第五難勝地之「攝報果」)

菩薩住此地，多作兜率陀天王，於諸眾生所作自在，摧伏一切外道邪見，能令眾生住實諦中。佈施、愛語、利行、同事——如是一切諸所作業，皆不離念佛，不離念法，不離念僧，乃至不離念具足一切種、一切智智。復作是念：『我當於眾生中為首、為勝、為殊勝、為妙、為微妙、為上、為無上，乃至為一切智智依止者。』此菩薩若發勤精進，於一念頃，得千億三昧，見千億佛，知千億佛神力，能動千億佛世界，乃至示現千億身，一身示千億菩薩以為眷屬；

(3~3:第五難勝地之「願智果」)

若以菩薩殊勝願力自在示現，過於此數，百劫、千劫乃至百千億那由他劫不能數知。」
(第五難勝地，位果，畢)

(頌，22)

爾時，金剛藏菩薩欲重宣其義而說頌曰：

(十平等，4)

菩薩四地已清淨，思惟三世佛平等，戒心除疑道非道，如是觀察入五地
念處為弓根利箭，正勤為馬神足車，五力堅鎧破怨敵，勇健不退入五地
慚愧為衣覺分鬢，淨戒為香禪塗香，智慧方便妙莊嚴，入總持林三昧苑
如意為足正念頸，慈悲為眼智慧牙，人中師子無我吼，破煩惱怨入五地

(如道行，1.頌=3句)

菩薩住此第五地，轉修勝上清淨道，志求佛法不退轉，思念慈悲無厭倦
積集福智勝功德，精勤方便觀上地，佛力所加具念慧，

(所知法中智清淨，2偈=1句)

了知四諦皆如實

善知世諦勝義諦，相諦差別成立諦，事諦生盡及道諦，乃至如來無礙諦
如是觀諦雖微妙，未得無礙勝解脫，以此能生大功德，是故超過世智慧

(教化眾生勤方便，4.5)

既觀諦已知有為，體性虛偽無堅實，得佛慈愍光明分，為利眾生求佛智
觀諸有為先後際，無明黑闇愛纏縛，流轉遲迴苦聚中，無我無人無壽命
愛取為因受來苦，欲求邊際不可得，迷妄漂流無返期，此等可愍我應度
蘊宅界蛇諸見箭，心火猛熾癡闇重，愛河漂轉不暇觀，苦海淪溺闕明導
如是知己勤精進，所作皆為度眾生，

(果勝中，功德勝 0.5，修行勝 1，及教化眾生勝)

名為有念有慧者，乃至覺解方便者
習行福智無厭足，恭敬多聞不疲倦，國土相好皆莊嚴，如是一切為眾生
為欲教化諸世間，善知書數印等法，亦復善解諸方藥，療治眾病悉令愈
文詞歌舞皆巧妙，宮宅園池悉安隱，寶藏非一咸示人，利益無量眾生故
日月星宿地震動，乃至身相亦觀察，四禪無色及神通，為益世間皆顯示

(起世智勝，3)

智者住此難勝地，供那由佛亦聽法，如以妙寶磨真金，所有善根轉明淨
譬如星宿在虛空，風力所持無損動，亦如蓮華不著水，如是大士行於世
住此多作兜率王，能摧異道諸邪見，所修諸善為佛智，願得十力救眾生

(位果 2，結 1)

彼復修行大精進，即時供養千億佛，得定動剎亦復然，願力所作過於是
如是第五難勝地，人中最上真實道，我以種種方便力，為諸佛子宣說竟」

(第五難勝地，畢)

(第六地【現前地】，因現前觀察諸行流轉，又於無相多修作意，方得現前)
(前面第五地已說諸諦相應慧，此地說緣起流轉止息相應慧，寄緣覺地。
第四地出世，未能隨世，第五地能隨而不能破染淨之見，此第六地，以十門觀察(十二因緣)之無染淨法界，破染淨之見，十門順逆，共二十重觀，參見分冊 9。此文 P48~57

以十門觀察十二因緣：

- 1 有支相續門 2 一心所攝門 3 自業助成門 4 不相捨離門
5 三道不斷門 6 五際輪迴門 7 三苦集成門 8 因緣生滅門
9 生滅繫縛門 10 無所有盡門

以上每一門內均有(3)種觀法：

(3~1)相諦差別觀 (3~2)大悲隨順觀 (3~3)一切相智觀

(頌，9)

菩薩既聞諸勝行，其心歡喜雨妙華，放淨光明散寶珠，供養如來稱善說
百千天眾皆欣慶，共在空中散眾寶，華鬘瓔珞及幢幡，寶蓋塗香咸供佛
自在天王並眷屬，心生歡喜住空中，散寶成雲持供養，讚言佛子快宣說
無量天女空中住，共以樂音歌讚佛，音中悉作如是言：佛語能除煩惱病
法性本寂無諸相，猶如虛空不分別，超諸取著絕言道，真實平等常清淨
若能通達諸法性，於有於無心不動。為欲救世勤修行，此佛口生真佛子
不取眾相而行施，本絕諸惡堅持戒，解法無害常堪忍，知法性離具精進
已盡煩惱入諸禪，善達性空分別法，具足智力能博濟，滅除眾惡稱大士
如是妙音千萬種，讚已默然瞻仰佛。解脫月語金剛藏：以何行相入後地」

(第六地同於第五地，從勝慢對治，及不住道行勝說之，並談二者之勝果)

(勝慢對治中，以觀察十種平等法，入第六現前地)

爾時，金剛藏菩薩告解脫月菩薩言：

「佛子！菩薩摩訶薩已具足第五地，欲入第六現前地，當觀察十平等法。何等為十？

所謂：一切法無相故平等，無體故平等，無生故平等，無成故平等，本來清淨故平等，無戲論故平等，無取捨故平等，寂靜故平等，如幻、如夢、如影、如響、如水中月、如鏡中像、如焰、如化故平等，有、無不二故平等。

菩薩如是觀一切法自性清淨，隨順無違，得入第六現前地，

得明利隨順忍，未得無生法忍。

(不住道行勝中，大慈增上，觀世間生滅=觀十二因緣，

以十門觀察十二因緣：

- 1 有支相續門 2 一心所攝門 3 自業助成門 4 不相捨離門
5 三道不斷門 6 五際輪迴門 7 三苦集成門 8 因緣生滅門
9 生滅繫縛門 10 無所有盡門

以上每一門內均有(3)種觀法：

- (3~1)相諦差別觀 (3~2)大悲隨順觀 (3~3)一切相智觀

(10~1 有支相續門中)，(3~1)「觀十二因緣」之「相諦差別」中之
(《2~1》明起倒惑順起染緣)

「佛子！此菩薩摩訶薩如是觀已，復以大悲為首、大悲增上、大悲滿足，觀世間生滅，

(辯定無我)

作是念：『世間受生皆由著我，若離此著，則無生處。』

(倒惑順起染緣)

復作是念：『凡夫無智，執著於我，常求有、無，

(明行支)

不正思惟，起於妄行，行於邪道；罪行、福行、不動行，積集增長，

(明識支)

於諸行中植心種子，有漏有取，

(辯名支)

復起後有生及老死。所謂：業為田，識為種，無明闇覆，愛水為潤，我慢溉灌，見網增長，生名色芽，

(辯六入等八支)

名色增長生五根，諸根相對生觸，觸對生受，受後希求生愛，愛增長生取，取增長生有；有生已，於諸趣中起五蘊身名；生，生已衰變為老，終歿為死。於老死時，生諸熱惱；因熱惱故，憂愁悲歎，眾苦皆集。

此因緣故，集無有集者，任運而滅亦無滅者。』

菩薩如是隨順觀察緣起之相。

(《2~2》迷真起妄緣相之次第，分為順觀、逆觀十二因緣、)

(順觀十二因緣)

佛子！此菩薩摩訶薩復作是念：

『於第一義諦不了故名：無明，所作業果是行，行依止初心是識，與識共生四取蘊為名色，名色增長為六處，根、境、識三事和合是觸，觸共生有受，於受染著是愛，愛增長是取，取所起有漏業為有，從業起蘊為生，蘊熟為老，蘊壞為死；

(逆觀十二因緣)

死時離別，愚迷貪戀，心胸煩悶為愁，涕泗諮嗟為歎，在五根為苦，在意地為憂，憂苦轉多為惱。如是但有苦樹增長，無我、無我所，無作、無受者。』復作是念：『若有作者，則有作事；若無作者，亦無作事，第一義中俱不可得。』

(10~2:一心所攝門中之「攝末歸本門」)

佛子！此菩薩摩訶薩復作是念：『三界所有，唯是一心。

(10~2:一心所攝門中之「本末依持門」)

如來於此分別演說十二有支，皆依一心，如是而立。

何以故？隨事貪慾與心共生，心是識，事是行，於行迷惑是無明，與無明及心共生是名色，名色增長是六處，六處三分合為觸，觸共生是受，受無厭足是愛，愛攝不捨是取，彼諸有支生是有，有所起名：生，生熟為老，老壞為死。

(10~3:自業助成門，每一支均有二種業)

「佛子！此中無明有二種業，一令眾生迷於所緣，二與行作生起因。行亦有二種業，一能生未來報，二與識作生起因。識亦有二種業，一令諸有相續，二與名色作生起因。名色亦有二種業，一互相助成，二與六處作生起因。六處亦有二種業，一各取自境界，二與觸作生起因。觸亦有二種業，一能觸所緣，二與受作生起因。受亦有二種業，一能領受愛憎等事，二與愛作生起因。愛亦有二種業，一染著可愛事，二與取作生起因。取亦有二種業，一令諸煩惱相續，二與有作生起因。有亦有二種業，一能令於餘趣

中生，二與生作生起因。生亦有二種業，一能起諸蘊，二與老作生起因。老亦有二種業，一令諸根變異，二與死作生起因。死亦有二種業，一能壞諸行，二不覺知故相續不絕。

(10~4 不相捨離門，先順觀，後逆觀)

「佛子！此中無明緣行，乃至生緣老死者，由無明乃至生為緣，令行乃至老死不斷，助成故。

無明滅則行滅，乃至生滅則老死滅者，由無明乃至生不為緣，令諸行乃至老死斷滅，不助成故。

(10~5: 三道不斷門)

佛子！此中無明、愛、取不斷是煩惱道，行、有不不斷是業道，餘分不斷是苦道；前後際分別滅三道斷，如是三道離我、我所，但有生滅，猶如束蘆。

(10~6 三際輪迴門)

復次，無明緣行者，是觀過去；識乃至受，是觀現在；愛乃至有，是觀未來。於是以後，展轉相續。無明滅行滅者，是觀待斷。

(10~7: 三苦聚集門)

復次，十二有支名為三苦，此中無明、行乃至六處是行苦，觸、受是苦苦，餘是壞苦；無明滅行滅者，是三苦斷。

(10~8 因緣生滅門)

復次，無明緣行者，無明因緣能生諸行；無明滅行滅者，以無無明，諸行亦無，餘亦如是。

(10~9: 生滅繫縛門)

又無明緣行者，是生繫縛；無明滅行滅者，是滅繫縛。餘亦如是。

(10~10: 無所有盡門)

又無明緣行者，是隨順無所有觀；無明滅行滅者，是隨順盡滅觀。餘亦如是。

(總結十門觀)

「佛子！菩薩摩訶薩如是十種逆順觀諸緣起。所謂：有支相續故，一心所攝故，自業差別故，不相捨離故，三道不斷故，觀過去、現在、未來故，三苦聚集故，因緣生滅故，生滅繫縛故，無所有、盡觀故：

(觀修以上所得之果有何殊勝？有 5 種)

(5~1:對治行勝及離障勝)

「佛子，菩薩摩訶薩以如是十種相觀諸緣起，

(顯三空)

知無我、無人、無壽命、自性空、無作者、無受者，即得空解脫門現在前

(無相門)

觀諸有支皆自性滅，畢竟解脫，無有少法相生，即時得無相解脫門現在前

(無願門)

如是入空、無相已，無有願求，唯除大悲為首，教化眾生，即時得無願解脫門現在前。

(離障勝)

菩薩如是修三解脫門，離彼、我想，離作者、受者想，離有、無想。

(5~2:修行勝)

(修心)

「佛子！此菩薩摩訶薩大悲轉增，精勤修習，為未滿菩提分法令圓滿故，作是念：『一切有為，有和合則轉，無和合則不轉；緣集則轉，緣不集則不轉。我如是知有為法多諸過患，當斷此和合因緣；然為成就眾生故，亦不畢竟滅於諸行。』

佛子！菩薩如是觀察有為多諸過患，無有自性，不生不滅，

(修勝)

而恆起大悲，不捨眾生，即得般若波羅蜜現前，名：無障礙智光明。成就如是智光明已，雖修習菩提分因緣而不住有為中，雖觀有為法自性寂滅亦不住寂滅中，以菩提分法未圓滿故。

(5~3:三昧勝)

「佛子！菩薩住此現前地，得入空三昧、自性空三昧、第一義空三昧、第一空三昧、大空三昧、合空三昧、起空三昧、如實不分別空三昧、不捨離空三昧、離不離空三昧。此菩薩得如是十空三昧門為首，百千空三昧皆悉現前；如是十無相、十無願三昧門為首，百千無相、無願三昧門皆悉現前。

(5~4:不壞心果勝)

「佛子！菩薩住此現前地，復更修習滿足不可壞心、決定心、純善心、甚深心、不退轉心、不休息心、廣大心、無邊心、求智心、方便慧相應心，皆悉圓滿。

(5~5:自在力勝)

「佛子！菩薩以此心順佛菩提，不懼異論，入諸智地，離二乘道，趣於佛智，諸煩惱魔無能沮壞，住於菩薩智慧光明，於空、無相、無願法中皆善修習，方便智慧恆共相應，菩提分法常行不捨。佛子！菩薩住此現前地中，得般若波羅蜜行增上，得第三明利順忍，以於諸法如實相隨順無違故。

(第六現前地，位行，畢)

(第六現前地位果)

(3~1;調柔果之「調柔行」)

「佛子！菩薩住此現前地已，以願力故，得見多佛。所謂：見多百佛，乃至見多百千億那由他佛。悉以廣大心、深心，供養恭敬，尊重讚歎，衣服、飲食、臥具、湯藥，一切資生悉以奉施，亦以供養一切眾僧，以此善根迴向阿耨多羅三藐三菩提。於諸佛所，恭敬聽法，聞已受持，得如實三昧智慧光明，隨順修行，憶持不捨。又得諸佛甚深法藏，經於百劫，經於千劫，乃至無量百千億那由他劫，所有善根轉更明淨。譬如真金，以毘琉璃寶數數磨瑩，轉更明淨；此地菩薩所有善根亦復如是，以方便慧，隨逐觀察，轉更明淨，轉復寂滅，無能映蔽。

(3~1;調柔果之「教智淨」)

譬如月光，照眾生身，令得清涼，四種風輪所不能壞；此地菩薩所有善根亦復如是，能滅無量百千億那由他眾生煩惱熾火，四種魔道所不能壞。

此菩薩，十波羅蜜中，般若波羅蜜偏多；餘非不修，但隨力隨分。

「佛子！是名：略說菩薩摩訶薩第六現前地。

(3~2:攝報果)

菩薩住此地，多作善化天王，所作自在，一切聲聞所有問難無能退屈，能令眾生除滅我慢、深入緣起。佈施、愛語、利行、同事——如是一切諸所作業，皆不離念佛，乃至不離念具足一切種、一切智智。復作是念：『我當於一切眾生中為首、為勝，乃至為一切智智依止者。』此菩薩若勤行精進，於一念頃，得百千億三昧，乃至示現百千億菩薩以為眷屬；

(3~3:願智果)

若以願力自在示現，過於此數，乃至百千億那由他劫不能數知。」

(頌，22)

爾時，金剛藏菩薩欲重宣其義而說頌曰：

(勝慢對治，2)

菩薩圓滿五地已，觀法無相亦無性，無生無成本清淨，無有戲論無取捨體相寂滅如幻等，有無不二離分別，隨順法性如是觀，此智得成人六地明利順忍智具足，

(總心境)

觀察世間生滅相，

(12因緣之「有」支，2.5)

以癡闇力世間生，若滅癡闇世無有

觀諸因緣實義空，不壞假名和合用，無作無受無思念，諸行如雲遍興起不知真諦名無明，所作思業愚癡果，識起共生是名色，如是乃至眾苦聚

(攝歸一心，1)

了達三界依心有，十二因緣亦復然，生死皆由心所作，心若滅者生死盡

(自業差別，1)

無明所作有二種，緣中不了為行因，如是乃至老終歿，從此苦生無有盡

(不相捨離，0.5)

無明為緣不可斷，彼緣若盡悉皆滅，

(三道不斷，0.5)

愚癡愛取煩惱支，行有是業餘皆苦。

(三苦聚集，1)

癡至六處是行苦，觸受增長是苦苦，所餘有支是壞苦，若見無我三苦滅。

(三際輪迴，1)

無明與行為過去，識至於受現在轉，愛取有生未來苦，觀待若斷邊際盡

(生滅繫縛，0.5)

無明為緣是生縛，於緣得離縛乃盡，

(因緣生滅，0.5)

從因生果離則斷，觀察於此知性空

(無所有盡，3句)

隨順無明起諸有，若不隨順諸有斷，此有彼有無亦然，

(總結十名，5句)

十種思惟心離著

有支相續一心攝，自業不離及三道，三際三苦因緣生，繫縛起滅順無盡

(頌對治勝，2)

如是普觀緣起行，無作無受無真實，如幻如夢如光影，亦如愚夫逐陽焰
如是觀察入於空，知緣性離得無相，了其虛妄無所願，唯除慈愍為眾生

(修行勝，1)

大士修行解脫門，轉益大悲求佛法，知諸有為和合作，志樂決定勤行道

(三昧勝，0.5)

空三昧門具百千，無相無願亦復然，

(通頌後二勝，0.5)

般若順忍皆增上，解脫智慧得成滿

(位果+結說，5)

復以深心多供佛，於佛教中修習道，得佛法藏增善根，如金琉璃所磨瑩
如月清涼被眾物，四風來觸無能壞；此地菩薩超魔道，亦息群生煩惱熱
此地多作善化王，化導眾生除我慢，所作皆求一切智，悉已超勝聲聞道
此地菩薩勤精進，獲諸三昧百千億，亦見若干無量佛，譬如盛夏空中日
甚深微妙難見知，聲聞獨覺無能了，如是菩薩第六地，我為佛子已宣說

(第六現前地，畢)

(第七地【遠行地】，為「有加行、有功用、之無相住」。因第六地現前地雖可多住於無相作意，但未能令無相作意無間無缺，第七地令無相作意功成圓滿。寄菩薩位。行方便波羅蜜。以六地之三空三昧現無量無作智慧門，入此無量眾生界，以無作智慧入一切世間等眾生行普令遍周，故名遠行。

名為遠行地，有二意，一為從前遠來，今至於功用邊。二為此功用邊，能遠去後位。故十住論言，「去三界遠，近法王位」。 P57~65

(諸天眾頌請，12)

是時天眾心歡喜，散寶成雲在空中，普發種種妙音聲，告於最勝清淨者
了達勝義智自在，成就功德百千億，人中蓮華無所著，為利群生演深行
自在天王在空中，放大光明照佛身，亦散最上妙香雲，普供除憂煩惱者
爾時天眾皆歡喜，悉發美音同讚述：我等聞斯地功德，則為已獲大善利」
天女是時心慶悅，競奏樂音千萬種，悉以如來神力故，音中共作如是言

威儀寂靜最無比，能調難調世應供，已超一切諸世間，而行於世闡妙道
雖現種種無量身，知身一一無所有，巧以言辭說諸法，不取文字音聲相
往詣百千諸國土，以諸上供供養佛，智慧自在無所著，不生於我佛國想
雖勤教化諸眾生，而無彼已一切心；雖已修成廣大善，而於善法不生著
以見一切諸世間，貪恚癡火常熾然，於諸想念悉皆離，發起大悲精進力
一切諸天及天女，種種供養稱讚已，悉共同時默然住，瞻仰人尊願聞法
時解脫月復請言：此諸大眾心清淨，第七地中諸行相，唯願佛子為宣說

(以下是第七遠行地之「位行」，分5種「差別」：

5~1:樂無作行對治差別 5~2:彼障對治差別 5~3:雙行勝差別
5~4 前上地勝差別 5~5:彼果差別

(先明:入第七遠行地，當修十種方便慧，起殊勝道)

(5~1:樂無作行對治差別=去地方便=入地之心)

爾時，金剛藏菩薩告解脫月菩薩言：

「佛子！菩薩摩訶薩具足第六地行已，欲入第七遠行地，

當修十種方便慧起殊勝道。何等為十？

所謂：雖善修空、無相、無願三昧，而慈悲不捨眾生，雖得諸佛平等法，
而樂常供養佛；雖入觀空智門，而勤集福德；雖遠離三界，而莊嚴三界；
雖畢竟寂滅諸煩惱焰，而能為一切眾生起滅貪、瞋、癡煩惱焰；雖知諸法
如幻、如夢、如影、如響、如焰、如化、如水中月、如鏡中像、自性無
二，而隨心作業無量差別；雖知一切國土猶如虛空，而能以清淨妙行莊嚴
佛土；雖知諸佛法身本性無身，而以相好莊嚴其身；雖知諸佛音聲性空寂
滅不可言說，而能隨一切眾生出種種差別清淨音聲；雖隨諸佛了知三世唯
是一念，而隨眾生意解分別，以種種相、種種時、種種劫數而修諸行。

菩薩以如是十種方便慧起殊勝行，從第六地入第七地；入已，此行常現在
前，名為：住第七遠行地。

(以下為住地)

(5~2:彼障對治差別=攝無著行，有量功用皆不著，有《2》二種相)

(《2~1》修行無量種，治前有量障，有《5》)

(《5~1》對眾生無量)

佛子！菩薩摩訶薩住此第七地已，入無量眾生界，入無量諸佛教化眾生業

(《5~2》住世界無量)

入無量世界網，入無量諸佛清淨國土，

(《5~3》對法界無量)

入無量種種差別法，入無量諸佛現覺智，入無量劫數，入無量諸佛覺了三世智，

(《5~4》對調伏眾生界無量)

入無量眾生差別信解，入無量諸佛示現種種名色身，入無量眾生欲樂諸根差別，入無量諸佛語言音聲令眾生歡喜，入無量眾生種種心行，入無量諸佛了知廣大智，

(《5~5》對調伏方便界無量)

入無量聲聞乘信解，入無量諸佛說智道令信解，入無量辟支佛所成就，入無量諸佛說甚深智慧門令趣入，入無量諸菩薩方便行，入無量諸佛所說大乘集成事令菩薩得入。

《2~2》修行無功用行，治前有功用障

此菩薩作是念：『如是無量如來境界，乃至於百千億那由他劫不能得知，我悉應以無功用無分別心成就圓滿。』

佛子！此菩薩以深智慧如是觀察，常勤修習方便慧起殊勝道，安住不動，

(5~3:雙行勝差別)(離所知障、煩惱障二行之殊勝差別)

(二行無間)

無有一念休息廢捨；行、住、坐、臥乃至睡夢，未曾暫與蓋障相應，

(信勝，專念忍可，即是信義，常信前十無量二嚴佛境，故為勝)
常不捨於如是想念。

(能作大義=於念念中，常具足十波羅蜜)

此菩薩於唵唵中，常能具足十波羅蜜。何以故？唵唵皆以大悲為首，修行佛法，向佛智故。所有善根，為求佛智，施與眾生，是名：檀那波羅蜜；能滅一切諸煩惱熱，是名：屍羅波羅蜜；慈悲為首，不損眾生，是名：羼提波羅蜜；求勝善法，無有厭足，是名：毘梨耶波羅蜜；一切智道常現在前，未嘗散亂，是名：禪那波羅蜜；能忍諸法無生無滅，是名：般若波羅蜜；能出生無量智，是名：方便波羅蜜；能求上上勝智，是名：願波羅蜜；一切異論及諸魔眾無能沮壞，是名：力波羅蜜；如實了知一切法，是名：智波羅蜜。

(菩提分差別=攝善；離過)

佛子！此十波羅蜜，菩薩於唵唵中皆得具足；如是，四攝、四持、三十七品、三解脫門，略說乃至一切菩提分法，於念念中皆悉圓滿。」

(5~4:前上地勝差別=勝前六地、且勝後三地)

(勝前六地)

爾時，解脫月菩薩問金剛藏菩薩言：「佛子！菩薩但於此第七地中滿足一切菩提分法，為諸地中亦能滿足？」

金剛藏菩薩言：「佛子！菩薩於十地中皆能滿足菩提分法，然第七地最為殊勝。何以故？此第七地功用行滿，得入智慧自在行故。佛子！菩薩於初地中，緣一切佛法願求故，滿足菩提分法；第二地離心垢故，第三地願轉增長得法光明故，第四地入道故，第五地順世所作故，第六地入甚深法門故，第七地起一切佛法故，皆亦滿足菩提分法。

(勝後三地)

何以故？菩薩從初地乃至第七地，成就智功用分。以此力故，從第八地乃至第十地，無功用行皆悉成就。佛子！譬如有二世界，一處雜染，一處純淨，是二中間難可得過，唯除菩薩有大方便神通願力。佛子！菩薩諸地亦復如是，有雜染行，有清淨行，是二中間難可得過，唯除菩薩有大願力方便智慧乃能得過。」

(問七地是染行或淨行?)

解脫月菩薩言：「佛子！此七地菩薩，為是染行？為是淨行？」

金剛藏菩薩言：

「佛子！從初地至七地，所行諸行皆捨離煩惱業，以迴向無上菩提故，分得平等道故，然未名為超煩惱行。佛子！譬如轉輪聖王乘天象寶遊四天下，知有貧窮困苦之人，而不為彼眾患所染，然未名為超過人位；若捨王身，生於梵世，乘天宮殿，見千世界，遊千世界，示現梵天光明威德，爾乃名為超過人位。佛子！菩薩亦復如是，始從初地至於七地，乘波羅蜜乘遊行世間，知諸世間煩惱過患，以乘正道故，不為煩惱過失所染，然未名為超煩惱行；若捨一切有功用行，從第七地入第八地，乘菩薩清淨乘遊行世間，知煩惱過失不為所染，爾乃名為超煩惱行，以得一切盡超過故。佛子！

此第七地菩薩盡超過多貪等諸煩惱眾住此地，不名有煩惱者，不名無煩惱者。何以故？一切煩惱不現行故，不名有者；求如來智心未滿故，不名無者。

(5~5:彼果差別)

(四/一:彼障對治果=業清淨=自他二行)二業清淨，分四，及《4》)

(《4~1》戒清淨)

「佛子！菩薩住此第七地，以深淨心，成就身業，成就語業，成就意業。所有一切不善業道——如來所訶，皆已捨離；一切善業——如來所讚，常善修行。

(《4~2:世間清淨》)

世間所有經書、技術，如五地中說，皆自然而行，不假功用。

(《4~3》:得勝身)

此菩薩於三千大千世界中為大明師，唯除如來及八地已上其餘菩薩，深心妙行無與等者，

(《4~4》得勝力)

諸禪三昧、三摩鉢底、神通解脫皆得現前。然是修成，非如八地報得成就。此地菩薩於唵唵中具足修習方便智力及一切菩提分法，轉勝圓滿。

(四/二:明三昧勝=定慧雙行果)

「佛子！菩薩住此地，入菩薩善觀擇三昧、善擇義三昧、最勝慧三昧、分別義藏三昧、如實分別義三昧、善住堅固根三昧、智慧神通門三昧、法界業三昧、如來勝利三昧、種種義藏生死涅槃門三昧，入如是等具足大智神通門百萬三昧，淨治此地。

(四/三:得(超)過地=以巧智+深悲，得超過二乘、並超上第八地無功用智)
(修行善巧過二乘)

是菩薩得此三昧，善治淨方便慧故，大悲力故，超過二乘地，得觀察智慧地。

(作業廣大超過二乘)

「佛子！菩薩住此地，善淨無量身業無相行，善淨無量語業無相行，善淨無量意業無相行故，得無生法忍光明。」

解脫月菩薩言：「佛子！菩薩從初地來所有無量身、語、意業，豈不超過二乘耶？」

金剛藏菩薩言：「佛子！彼悉超過，然但以願求諸佛法故，非是自智觀察之力；今第七地自智力故，一切二乘所不能及。譬如王子，生在王家，王后所生，具足王相，生已即勝一切臣眾，但以王力，非是自力；若身長大，藝業悉成，乃以自力超過一切。菩薩摩訶薩亦復如是，初發心時，以志求大法故，超過一切聲聞、獨覺；今住此地，以自所行智慧力故，出過一切二乘之上。

(修行勝入超過)

佛子！菩薩住此第七地，得甚深遠離無行、常行身語意業，勤求上道而不捨離，是故菩薩雖行實際而不作證。」

(四/四:得勝行=三昧之寂用)

(得寂滅勝行，在定不住=方便智)

解脫月菩薩言：「佛子！菩薩從何地來，能入滅定？」

金剛藏菩薩言：

「佛子！菩薩從第六地來，能入滅定。今住此地，能唵唵入，亦唵唵起，而不作證。故此菩薩名為：成就不可思議身、語、意業，行於實際而不作

證。譬如有人乘船入海，以善巧力不遭水難；此地菩薩亦復如是，乘波羅蜜船行實際海，以願力故而不證滅。

（發起殊勝行）

「佛子！此菩薩得如是三昧智力，以大方便，雖示現生死，而恆住涅槃；雖眷屬圍遶，而常樂遠離；雖以願力三界受生，而不為世法所染；雖常寂滅，以方便力而還熾然，雖然不燒；雖隨順佛智，而示入聲聞、辟支佛地；雖得佛境界藏，而示住魔境界；雖超魔道，而現行魔法；雖示同外道行，而不捨佛法；雖示隨順一切世間，而常行一切出世間法；所有一切莊嚴之事，出過一切天、龍、夜叉、乾闥婆、阿脩羅、迦樓羅、緊那羅、摩睺羅伽、人及非人、帝釋、梵王、四天王等之所有者，而不捨離樂法之心。

（以上，第七遠行地，位行，畢）

（第七遠行地，位果）

（3~1:調柔果）

（調柔果之調柔行體）

「佛子！菩薩成就如是智慧，住遠行地，以願力故，得見多佛。所謂：見多百佛，乃至見多百千億那由他佛。

（調柔行之能練行緣）

於彼佛所，以廣大心、增勝心，供養恭敬，尊重讚歎，衣服、飲食、臥具、醫藥，一切資生悉以奉施，亦以供養一切眾僧，以此善根迴向阿耨多羅三藐三菩提。復於佛所恭敬聽法，聞已受持，獲如實三昧智慧光明，隨順修行。於諸佛所護持正法，常為如來之所讚喜，一切二乘所有問難無能退屈，

（調柔行之所練淨）

利益眾生，法忍清淨。如是經無量百千億那由他劫，所有善根轉更增勝。譬如真金，以眾妙寶間錯莊嚴，轉更增勝，倍益光明，餘莊嚴具所不能及；菩薩住此第七地所有善根亦復如是，以方便慧力轉更明淨，非是二乘之所能及。

(調柔果之「教智淨」)

佛子！譬如日光，星月等光無能及者，閻浮提地所有泥潦悉能乾竭；此遠行地菩薩亦復如是，一切二乘無有能及，悉能乾竭一切眾生諸惑泥潦。

(調柔果之「別地行相」)

此菩薩，十波羅蜜中，方便波羅蜜偏多；餘非不行，但隨力隨分。

「佛子！是名：略說菩薩摩訶薩第七遠行地。」

(3~2:攝報果)

菩薩住此地，多作自在天王，善為眾生說證智法，令其證入。佈施、愛語、利行、同事——如是一切諸所作業，皆不離念佛，乃至不離念具足一切種、一切智智。復作是念：『我當於一切眾生中為首、為勝，乃至為一切智智依止者。』此菩薩若發勤精進，於一念頃，得百千億那由他三昧，乃至示現百千億那由他菩薩以為眷屬；

(3~3:願智果)

若以菩薩殊勝願力自在示現，過於此數，乃至百千億那由他劫不能數知」

(頌，21)爾時，金剛藏菩薩欲重宣此義而說頌曰：

(樂無作行對治，4)

第一義智三味道，六地修行心滿足，即時成就方便慧，菩薩以此入七地
雖明三脫起慈悲，雖等如來勤供佛，雖觀於空集福德，菩薩以此昇七地
遠離三界而莊嚴，滅除惑火而起焰，知法無二勤作業，了剎皆空樂嚴土
解身不動具諸相，達聲性離善開演，入於一念事各別，智者以此昇七地

(彼障對治無量，略頌無功用行，2)

觀察此法得明瞭，廣為群迷興利益，入眾生界無有邊，佛教化業亦無量
國土諸法與劫數，解欲心行悉能入，說三乘法亦無限，如是教化諸群生

(雙行無間，3)

菩薩勤求最勝道，動息不捨方便慧，一一迴向佛菩提，唵唵成就波羅蜜
發心迴向是佈施，滅惑為戒不害忍，求善無厭斯進策，於道不動即修禪
忍受無生名般若，迴向方便希求願，無能摧力善了智，如是一切皆成滿

(頌前上地勝分，5)

初地攀緣功德滿，二地離垢三淨息，四地入道五順行，第六無生智光照
七住菩提功德滿，種種大願皆具足，以是能令八地中，一切所作咸清淨
此地難過智乃超，譬如世界二中間，亦如聖王無染著，然未名為總超度
若住第八智地中，爾乃逾於心境界，如梵觀世超人位，如蓮處水無染著
此地雖超諸惑眾，不名有惑非無惑，以無煩惱於中行，而求佛智心未足

(雙行果，3.5)

世間所有眾技藝，經書詞論普明瞭，禪定三昧及神通，如是修行悉成就
菩薩修成七住道，超過一切二乘行，初地願故此由智，譬如王子力具足
成就甚深仍進道，心心寂滅不取證；譬如乘船入海中，在水不為水所溺
方便慧行功德具，一切世間無能了，

(供養佛等，+結語，3.5)

供養多佛心益明，如以妙寶莊嚴金
此地菩薩智最明，如日舒光竭愛水，又作自在天中主，化導群生修正智
若以勇猛精勤力，獲多三昧見多佛，百千億數那由他，願力自在復過是
此是菩薩遠行地，方便智慧清淨道，一切世間天及人，聲聞獨覺無能知
(第七遠行地，畢)

(第八地【不動地】，此位菩薩於處世間智，無須用功不思不為，智隨萬
有，通化無方，行願波羅蜜。此地無分別智，任運相續，相用煩惱不能動

(第八地不動地，讚請頌，12)

P65~77

是時天王及天眾，聞此勝行皆歡喜，為欲供養於如來，及以無央大菩薩，
兩妙華幡及幢蓋，香鬘瓔珞與寶衣，無量無邊千萬種，悉以摩尼作嚴飾
天女同時奏天樂，普發種種妙音聲，供養於佛並佛子，共作是言而讚歎
一切見者兩足尊，哀愍眾生現神力，令此種種諸天樂，普發妙音咸得聞
於一毛端百千億，那由他國微塵數，如是無量諸如來，於中安住說妙法
一毛孔內無量刹，各有四洲及大海，須彌鐵圍亦復然，悉見在中無迫隘
一毛端處有六趣，三種惡道及人天，諸龍神眾阿脩羅，各隨自業受果報
於彼一切刹土中，悉有如來演妙音，隨順一切眾生心，為轉最上淨法輪

剎中種種眾生身，身中復有種種剎，人天諸趣各各異，佛悉知己為說法大剎隨念變為小，小剎隨念亦變大，如是神通無有量，世間共說不能盡普發此等妙音聲，稱讚如來功德已，眾會歡喜默然住，一心瞻仰欲聽說時解脫月復請言：今此眾會皆寂靜，願說隨次之所入，第八地中諸行相

(第八地之「位行」中，分七項說明。

(七/一:總明「方便集作」地分，善集助道法，**善修方便慧**。

七/二:以善修方便慧後，**得到「淨忍分」=四種「無生忍」**

七/三:得「無生忍」後，**入第八地不動地之「得勝行分」**，

分為(2~1):此得勝行，對前所有地是「彰出」的深行，3喻，

(2~2):此得勝行，對後所有地是「彰入」的發起，7勸

七/四:有了第八地的「勝行」後，**才能開啟「淨土德業」**，為淨土分

才有**三世間自在行**=器世間、眾生世間、智正覺世間之自在行

七/五:成就自淨土身智後，得命、心、財…等十種自在，為**「自在分」**

七/六:有了三世間的自在行，才能得到**「智大」、「業大」=行業廣**及

智大、業大**二者所住的「功德大」**。此為**「大勝分」**。

七/七:總結以上說第八不動地之意義，

1. 約「地之位階=約法明位」說=從淨忍分受名，得無生忍故不動；無生忍智現前，故「無退」。

2. 以「智慧釋名=智者釋名」中，

《2~1》有「一向不動」及《2~2》「一体不動」

(七/一:總明「方便集作」地分，善集助道法，**善修方便慧**。

爾時，金剛藏菩薩告解脫月菩薩言：

「佛子！菩薩摩訶薩於七地中，

(修八地中有三個諸地都通行、都需要修的綱要)

善修習方便慧，善清淨諸道，善集助道法。

(修八地中有七個別相，諸地異修項目)

大願力所攝，如來力所加，自善力所持，常念如來力、無所畏、不共佛法，善清淨深心思覺，能成就福德智慧，大慈大悲不捨眾生，入無量智道

(七/二:以善修方便慧後，得到「淨忍分」=四種「無生法忍」)

(正明無生法忍，

1 約法，諸無起作之理，即是「無生」，慧心安此，故稱為「忍」；

2 約行，則報行純熟智冥於理，無相無功，心識妄惑寂然無起為無生)

(4~1:約事相無生忍)

入一切法，本來無生、無起、無相、無成、無壞、無盡、無轉、

(4~2:自性無生忍)

無性為性，

(4~3:三際平等=數(世)差別無生忍=無時間上的差別)

初、中、後際皆悉平等，

(4~4:作業差別無生忍)

無分別如如智之所入處，

(因為得以上四種無生法忍，故得「無生忍淨=離障+能治」

離一切心、意、識分別想，無所取著猶如虛空，入一切法如虛空性，是名：得無生法忍。「佛子！菩薩成就此忍，即時得入第八不動地，」

(七/三:得「無生忍」後，入第八地不動地之「得勝行分」，

分為(2~1):此得勝行，對前所有地是「彰出」的深行，《3》喻，

(2~2):此得勝行，對後所有地是「彰入」的發起，《7》勸)

(2~1):此得勝行，對前所有地是「彰出」的深行，3 喻)

(先就「法」而言，是勝於前地=對前彰出)

為深行菩薩難可知無差別，離一切相、一切想、一切執著，無量無邊，一切聲聞、辟支佛所不能及，離諸誼諍，寂滅現前。

(《3~1》:滅定喻=喻前離障寂滅)

譬如比丘，具足神通，得心自在，次第乃至入滅盡定，一切動心、憶想

分別悉皆止息。此菩薩摩訶薩亦復如是，住不動地，即捨一切功用行，得無功用法，身、口、意業念務皆息，住於報行。

（《3~2》：夢寤喻=喻前修行深）

譬如有人，夢中見身墮在大河，為欲渡故，發大勇猛，施大方便；以大勇猛、施方便故，即便覺寤，既覺寤已，所作皆息。菩薩亦爾，見眾生身在四流中，為救度故，發大勇猛，起大精進；以勇猛、精進故，至不動地；既至此已，一切功用靡不皆息，二行、相行悉不現前。

（《3~3》：生梵天喻=喻境分殊絕）

佛子！如生梵世，欲界煩惱皆不現前；住不動地亦復如是，一切心、意、識行皆不現前。此菩薩摩訶薩，菩薩心、佛心、菩提心、涅槃心尚不現起，況復起於世間之心！

（2~2）：此得勝行，對後所有地是「彰入」的發起，《7》勸）

（總說）

「佛子！此地菩薩本願力故，諸佛世尊親現其前與如來智，令其得入法流門中，作如是言：『善哉善哉！善男子！此忍第一，順諸佛法。』

（《7~1》：勤修如來善調御智之勸）

然善男子！我等所有十力、無畏、十八不共諸佛之法，汝今未得，汝應為欲成就此法勤加精進，勿復放捨於此忍門。

（《7~2》：勸悲憫眾生=化願未滿勸）

又善男子！汝雖得是寂滅解脫，然諸凡夫未能證得，種種煩惱皆悉現前，種種覺觀常相侵害，汝當愍念如是眾生。

（《7~3》：勸成其本願=本願未充勸）

又善男子！汝當憶念本所誓願，普大饒益一切眾生，皆令得入不可思議智慧之門。

（《7~4》：勸求無礙智=自德未勝勸）

又善男子！此諸法法性，若佛出世，若不出世，常住不異，諸佛不以得此法故名為如來，一切二乘亦能得此無分別法。

（《7~5》：勸成佛外報=化業廣大勸）

又善男子！汝觀我等身相，無量智慧，無量國土，無量方便，無量光明，無量清淨，音聲亦無有量；汝今宜應成就此事。

（《7~6》：勸證佛內明無量勝行=自己所得法門未窮勸）

又善男子！汝今適得此一法明，所謂：一切法無生、無分別。善男子！如來法明，無量入，無量作，無量轉，乃至百千億那由他劫不可得知；汝應修行，成就此法。

（《7~7》：勸總修無遺成遍知道=少作能成增進眾德勸）

又善男子！汝觀十方無量國土、無量眾生、無量法、種種差別，悉應如實通達其事。』

（以上《7 勸》，目的是「令起智業」）

「佛子！諸佛世尊與此菩薩如是等無量起智門，令其能起無量無邊差別智業。

（彰明以上《7 勸》之益處為何）

（3~1:法）

佛子！若諸佛不與此菩薩起智門者，彼時即入究竟涅槃，棄捨一切利眾生業。以諸佛與如是等無量無邊起智門故，於一念頃所生智業，從初發心乃至七地所修諸行，百分不及一，乃至百千億那由他分亦不及一；如是，阿僧祇分，歌羅分，算數分，譬論分，優波尼沙陀分，亦不及一。何以故？佛子！是菩薩先以一身起行，今住此地，得無量身、無量音聲、無量智慧、無量受生、無量淨國，教化無量眾生，供養無量諸佛，入無量法門，具無量神通，有無量眾會道場差別，住無量身、語、意業集一切菩薩行，以不動法故。

(3~2:喻)

佛子！譬如乘船欲入大海，未至於海，多用功力；若至海已，但隨風去，不假人力以至大海，一日所行比於未至，其未至時設經百歲亦不能及。

(3~3:合)

佛子！菩薩摩訶薩亦復如是，積集廣大善根資糧，乘大乘船到菩薩行海，於一念頃以無功用智入一切智智境界，本有功用行經於無量百千億那由他劫所不能及。

(七/四:有了第八地的「勝行」後，才能開啟「淨土德業」，為淨土分
才有三世間自在行=器世間、眾生世間、智正覺世間之自在行)

「佛子！菩薩住此第八地，以大方便善巧智所起無功用覺慧，觀一切智智所行境。

(3~1:器世間自在行)

(隨心欲)

所謂：觀世間成，觀世間壞；

(隨何欲)

由此業集故成，由此業盡故壞。

(隨時欲)

幾時成？幾時壞？幾時成住？幾時壞住？皆如實知。

(隨廣狹欲)

又知地界小相、大相、無量相、差別相，知水、火、風界小相、大相、無量相、差別相，知微塵細相、差別相、無量差別相。

隨何世界中所有微塵聚及微塵差別相，皆如實知；隨何世界中所有地、水、火、風界各若干微塵，所有寶物若干微塵，眾生身若干微塵，國土身若干微塵，皆如實知。知眾生大身、小身各若干微塵成，知地獄身、畜生身、餓鬼身、阿脩羅身、天身、人身各若干微塵成，得如是知微塵差別智。

(隨心幾許欲，約智知自在)

又知欲界、色界、無色界成，知欲界、色界、無色界壞，知欲界、色界、無色界小相、大相、無量相、差別相，得如是觀三界差別智。

(隨心幾許欲，約通明自在)

「佛子！此菩薩復起智明，教化眾生。所謂：善知眾生身差別，善分別眾生身，善觀察所生處；隨其所應而為現身，教化成熟。此菩薩於一三千大千世界，隨眾生身信解差別，以智光明普現受生；

如是，若二、若三，乃至百千，乃至不可說三千大千世界，隨眾生身信解差別，普於其中示現受生。此菩薩成就如是智慧故，於一佛剎其身不動，乃至不可說佛剎眾會中悉現其身。

(3~2: 眾生世間自在行=能隨機感應，調伏眾生自在故)

(於不同類眾生，隨其類示現)

(總明感應)

佛子！此菩薩隨諸眾生身心信解種種差別，於彼佛國眾會之中而現其身

(化現同物身)

所謂：於沙門眾中示沙門形，婆羅門眾中示婆羅門形，剎利眾中示剎利形；如是，毘捨眾、首陀眾、居士眾、四天王眾、三十三天眾、夜摩天眾、兜率陀天眾、化樂天眾、他化自在天眾、魔眾、梵眾，乃至阿迦尼吒天眾中，各隨其類而為現形。

(化現應物身)

又應以聲聞身得度者，現聲聞形；應以辟支佛身得度者，現辟支佛形；應以菩薩身得度者，現菩薩形；應以如來身得度者，現如來形。佛子！菩薩如是於一切不可說佛國土中，隨諸眾生信樂差別，如是如是而為現身。

(3~3: 智正覺世間自在行=行體之自在行；=二諦自在行=行境自在行)

(《2~1》明第一義智)

「佛子！此菩薩遠離一切身想分別，住於平等。

(《2~2》明俗諦智=知十種身。)

(俗諦智中先「知三種染身」)

此菩薩知眾生身、國土身、業報身、

(再知六種明淨身)

聲聞身、獨覺身、菩薩身、如來身、智身、法身、

(後知一種不二身)

虛空身。

(知十種身後，以十身相互作用，顯通自在)

此菩薩知諸眾生心之所樂，能以眾生身作自身，亦作國土身、業報身，乃至虛空身。

又知眾生心之所樂，能以國土身作自身，亦作眾生身、業報身，乃至虛空身。又知諸眾生心之所樂，能以業報身作自身，亦作眾生身、國土身，乃至虛空身。

又知眾生心之所樂，能以自身作眾生身、國土身，乃至虛空身。隨諸眾生所樂不同，則於此身現如是形。

(將十身分為8類，以3身合故。此為別顯知相，彰顯智自在用)

(8~1:知眾生身)

此菩薩知眾生集業身、報身、煩惱身、色身、無色身，

(8~2:知國土身)

又知國土身小相、大相、無量相、染相、淨相、廣相、倒住相、正住相、普入相、方網差別相，

(8~3:知業報身)

知業報身假名差別，

(8~4:知聲聞等三身)

知聲聞身、獨覺身、菩薩身假名差別，

(8~5:知佛身=如來身)

知如來身有菩提身、願身、化身、力持身、相好莊嚴身、威勢身、意生身、福德身、法身、智身，

(8~6:知智身)

知智身善思量相、如實抉擇相、果行所攝相、世間出世間差別相、三乘差別相、共相、不共相、出離相、非出離相、學相、無學相，

(8~7:知法身)

知法身平等相、不壞相、隨時隨俗假名差別相、眾生非眾生法差別相、佛法聖僧法差別相，

(8~8:知虛空身)

知虛空身無量相、周遍相、無形相、無異相、無邊相、顯現色身相。

(七/五:成就自淨土身智後，得命、心、財…等十種自在，為「自在分」佛子！菩薩成就如是身智已，得命自在、心自在、財自在、業自在、生自在、願自在、解自在、如意自在、智自在、法自在。

(七/六:有了三世間的自在行，才能得到「智大」、「業大」=行業廣」及智大、業大二者所住的「功德大」。此為「大勝分」。有3)

(3~1:智大)

得此十自在故，則為不思議智者、無量智者、廣大智者、無能壞智者。

(3~2:業大)

「此菩薩如是入已，如是成就已，得畢竟無過失身業、無過失語業、無過失意業。身、語、意業隨智慧行，般若波羅蜜增上，大悲為首，方便善巧，善能分別，善起大願，佛力所護，常勤修習利眾生智，普住無邊差別世界。佛子！舉要言之：菩薩住此不動地，身、語、意業諸有所作，皆能積集一切佛法。

(3~3:由智大、業大所住之功德大)

佛子！菩薩住此地，得善住深心力，一切煩惱不行故；得善住勝心力，不離於道故；得善住大悲力，不捨利益眾生故；得善住大慈力，救護一切世間故；得善住陀羅尼力，不忘於法故；得善住辯才力，善觀察分別一切法故；得善住神通力，普往無邊世界故；得善住大願力，不捨一切菩薩所作故；得善住波羅蜜力，成就一切佛法故；得如來護念力，一切種、一切智智現前故。此菩薩得如是智力，能現一切諸所作事，於諸事中無有過咎。

(七/七:總結以上說第八不動地之意義，

1 約「地之位階=約法明位」說=從淨忍分受名，得無生忍故不動；無生忍智現前，故「無退」。

2 以「智慧釋名=智者釋名」中，

《2~1》有「一向不動」及《2~2》「一体不動」)

(1 約「地之位階=約法明位」說=從淨忍分受名，得無生忍故不動；無生忍智現前，故「無退」。)

「佛子！此菩薩智地名為：不動地，無能沮壞故；名為：不轉地，智慧無退故；名為：難得地，一切世間無能測故；名為：童真地，離一切過失故；名為：生地，隨樂自在故；名為：成地，更無所作故；名為：究竟地，智慧決定故；名為：變化地，隨願成就故；名為：力持地，他不能動故；名為：無功用地，先已成就故。

(2 以「智慧釋名=智者釋名」中，《2~1》「一向不動」《2~2》「一体不動」)
佛子！菩薩成就如是智慧，入佛境界，佛功德照，順佛威儀，佛境現前，

(《2~1》有「一向不動」

常為如來之所護念，梵、釋、四王、金剛力士常隨侍衛，恆不捨離諸大三昧，能現無量諸身差別，於一一身有大勢力，報得神通三昧自在，隨有可化眾生之處示成正覺。

(《2~2》「一体不動」)

佛子！菩薩如是入大乘會，獲大神通，放大光明，入無礙法界，知世界差

別，示現一切諸大功德，隨意自在，善能通達前際，後際，普伏一切魔邪之道，深入如來所行境界，於無量國土修菩薩行，以能獲得不退轉法，是故說名：住不動地。 (第八不動地，位行，畢)

(第八不動地，位果)

(3~1:調柔果)

《調柔行之「法說」》

「佛子！菩薩住此不動地已，以三昧力，常得現見無量諸佛，恆不捨離承事供養。此菩薩於一一劫、一一世界，見無量百佛、無量千佛，乃至無量百千億那由他佛，恭敬尊重，承事供養，一切資生悉以奉施。於諸佛所得於如來甚深法藏，受世界差別等無量法明；若有問難世界差別如是等事，無能屈者。如是經於無量百劫、無量千劫，乃至無量百千億那由他劫，所有善根轉增明淨。

《調柔行之「喻說」》

譬如真金治作寶冠，置閻浮提主聖王頂上，一切臣民諸莊嚴具無與等者；

《調柔行之「合說」》

此地菩薩所有善根亦復如是，一切二乘乃至第七地菩薩所有善根無能及者，以住此地大智光明，普滅眾生煩惱黑闇，善能開闡智慧門故。

《調柔果之「教智淨」》

佛子！譬如千世界主大梵天王，能普運慈心，普放光明，滿千世界；此地菩薩亦復如是，能放光明，照百萬佛剎微塵數世界，令諸眾生滅煩惱火而得清涼

《調柔果之「別地行相」》

此菩薩，十波羅蜜中，願波羅蜜增上；餘波羅蜜非不修行，但隨力隨分。是名：略說諸菩薩摩訶薩第八不動地；若廣說者，經無量劫不可窮盡。

(3~2:攝報果之「上勝身」)

「佛子！菩薩摩訶薩住此地，多作大梵天王，主千世界，最勝自在，善說

諸義，能與聲聞、辟支佛、諸菩薩波羅蜜道；若有問難世界差別，無能退屈。佈施、愛語、利行、同事——如是一切諸所作業，皆不離念佛，乃至不離念一切種、一切智智。

(3~2:攝報果之「上勝果」)

復作是念：『我當於一切眾生中為首、為勝，乃至為一切智智依止者。』此菩薩若以發起大精進力，於一念頃，得百萬三千大千世界微塵數三昧，乃至示現百萬三千大千世界微塵數菩薩以為眷屬；

(3~3:願智果)

若以菩薩殊勝願力自在示現，過於是數，乃至百千億那由他劫不能數知
(第八不動地，位果，畢)

(頌，22)

爾時，金剛藏菩薩欲重宣其義而說頌曰：

(集作地分，1.5)

七地修治方便慧，善集助道大願力，復得人尊所攝持，為求勝智登八住功德成就恆慈愍，智慧廣大等虛空，

(淨忍普，1.5)

聞法能生決定力，是則寂滅無生忍
知法無生無起相，無成無壞無盡轉，離有平等絕分別，超諸心行如空住

(深行勝，2)

成就是忍超戲論，甚深不動恆寂滅，一切世間無能知，心相取著悉皆離住於此地不分別，譬如比丘入滅定，如夢渡河覺則無，如生梵天絕下欲

(發起勝，5)

以本願力蒙勸導，歎其忍勝與灌頂，語言我等眾佛法，汝今未獲當勤進汝雖已滅煩惱火，世間惑焰猶熾然，當念本願度眾生，悉使修因趣解脫法性真常離心念，二乘於此亦能得，不以此故為世尊，但以甚深無礙智如是人天所應供，與此智慧令觀察，無邊佛法悉得成，一念超過曩眾行菩薩住茲妙智地，則獲廣大神通力，一念分身遍十方，如船入海因風濟

(佛國土分 6=器世間 2，眾生世間 3，智正覺世間 1)

心無功用任智力，悉知國土成壞住，諸界種種各殊異，小大無量皆能了
三千世界四大種，六趣眾生身各別，及以眾寶微塵數，以智觀察悉無餘
菩薩能知一切身，為化眾生同彼形，國土無量種種別，悉為現形無不遍
譬如日月住虛空，一切水中皆現影；住於法界無所動，隨心現影亦復然
隨其心樂各不同，一切眾中皆現身，聲聞獨覺與菩薩，及以佛身靡不現
眾生國土業報身，種種聖人智法身，虛空身相皆平等，普為眾生而示作

(十自在，0.5)

十種聖智普觀察，復順慈悲作眾業，

(大勝分，1)

所有佛法皆成就，持戒不動如須彌，十力成就不動搖，一切魔眾無能轉

(釋名，1)

諸佛護念天王禮，密跡金剛恆侍衛，此地功德無邊際，千萬億劫說不盡，

(結，等)

復以供佛善益明，如王頂上莊嚴具

菩薩住此第八地，多作梵王千界主，演說三乘無有窮，慈光普照除眾惑
一念所獲諸三昧，百萬世界微塵等，諸所作事悉亦然，願力示現復過是
菩薩第八不動地，我為汝等已略說，若欲次第廣分別，經於億劫不能盡

(第八不動地，畢)

第九地【善慧地】。善知眾法故，能起辯才說法，名法師位。第八地於無相住捨離功用，亦能於相自在，而未能於異名眾相訓辭差別一切品行宣說法中，得大自在。第九地能令此圓滿故。由得最勝無礙智故，名善慧地。

(讚請，13)

P77~86

說此菩薩八地時，如來現大神通力，震動十方諸國土，無量億數難思議
一切知見無上尊，其身普放大光明，照耀彼諸無量土，悉使眾生獲安樂
菩薩無量百千億，俱時踴在虛空住，以過諸天上妙供，供養說中最勝者

大自在王自在天，悉共同心喜無量，各以種種眾供具，供養甚深功德海復有天女千萬億，身心歡喜悉充遍，各奏樂音無量種，供養人中大導師是時眾樂同時奏，百千萬億無量別，悉以善逝威神力，演出妙音而讚歎寂靜調柔無垢害，隨所入地善修習，心如虛空詣十方，廣說佛道悟群生天上人間一切處，悉現無等妙莊嚴，以從如來功德生，令其見者樂佛智不離一剎詣眾土，如月普現照世間，音聲心念悉皆滅，譬猶谷響無不應若有眾生心下劣，為彼演說聲聞行；若心明利樂辟支，則為彼說中乘道若有慈悲樂饒益，為說菩薩所行事；若有最勝智慧心，則示如來無上法譬如幻師作眾事，種種形相皆非實，菩薩智幻亦如是，雖現一切離有無如是美音千萬種，歌讚佛已默然住。解脫月言今眾淨，願說九地所行道」

(於第八不動地，但「淨佛土，教化眾生」，至此第九地，能起方便辯才，有辯才力，成就一切相，是「法師地」，故在「位行」中，以「法師」為中心，分四部分說明：

四/一:法師方便成就

四/二:智成就:具能知法之智慧

四/三:入行成就:達所化器之心行故，能知 9 種稠林煩惱)

四/四:說法成就:稱根正授故)

爾時，金剛藏菩薩告解脫月菩薩言：

(四/一:法師方便成就)

「佛子！菩薩摩訶薩以如是無量智思量觀察，欲更求轉勝寂滅解脫，復修習如來智慧，入如來祕密法，觀察不思議大智性，淨諸陀羅尼三昧門，具廣大神通，入差別世界，修力、無畏、不共法，隨諸佛轉法輪，不捨大悲本願力，得入菩薩第九善慧地。

(四/二:智成就:具能知法之智慧)

「佛子！菩薩摩訶薩住此善慧地，如實知善不善無記法行、有漏無漏法行、世間出世間法行、思議不思議法行、定不定法行、聲聞獨覺法行、菩薩行法行、如來地法行、有為法行、無為法行。

(四/三:入行成就:達所化器之心行故，能知 9 種稠林煩惱)

(總說)

此菩薩以如是智慧，如實知眾生心稠林、煩惱稠林、業稠林、根稠林、解稠林、性稠林、樂欲稠林、隨眠稠林、受生稠林、習氣相續稠林、三聚差別稠林。

(9~1:知心稠林)

此菩薩如實知眾生心種種相，所謂：雜起相、速轉相、壞不壞相、無形質相、無邊際相、清淨相、垢無垢相、縛不縛相、幻所作相、隨諸趣生相；如是百千萬億乃至無量，皆如實知。

(9~2:知煩惱稠林)

又知諸煩惱種種相，所謂：久遠隨行相、無邊引起相、俱生不捨相、眠起一義相、與心相應不相應相、隨趣受生而住相、三界差別相、愛見癡慢如箭深入過患相、三業因緣不絕相；略說乃至八萬四千，皆如實知。

(9~3:知業稠林)

又知諸業種種相，所謂：善不善無記相、有表示無表示相、與心同生不離相、因自性剎那壞而次第集果不失相、有報無報相、受黑黑等眾報相、如田無量相、凡聖差別相、現受生受後受相、乘非乘定不定相；略說乃至八萬四千，皆如實知。

(9~5:知根稠林)

又知諸根軟中勝相、先際後際差別無差別相、上中下相、煩惱俱生不相離相、乘非乘定不定相、淳熟調柔相、隨根網輕轉壞相、增上無能壞相、退不退差別相、遠隨共生不同相；略說乃至八萬四千，皆如實知。

(9~5:知解、性、欲根性相順入=知例三之稠林)

又知諸解軟中上、諸性軟中上、樂欲軟中上；皆略說乃至八萬四千。

(9~6:知隨眠稠林)

又知諸隨眠種種相，所謂：與深心共生相、與心共生相、心相應不相應差

別相、久遠隨行相、無始不拔相、與一切禪定解脫三昧三摩鉢底神通相、違相、三界相續受生繫縛相、令無邊心相續現起相、開諸處門相、堅實難治相、地處成就不成就相、唯以聖道拔出相。

(9~7:知受生稠林)

又知受生種種相，所謂：隨業受生相、六趣差別相、有色無色差別相、有想無想差別相、業為田愛水潤無明暗覆識為種子生後有芽相、名色俱生不相離相、癡愛希求續有相、欲受欲生無始樂著相、妄謂出三界貪求相。

(9~8:知習氣稠林)

又知習氣種種相，所謂：行不行差別相、隨趣熏習相、隨眾生行熏習相、隨業煩惱熏習相、善不善無記熏習相、隨入後有熏習相、次第熏習相、不斷煩惱遠行不捨熏習相、實非實熏習相、見聞親近聲聞獨覺菩薩如來熏習相。

(9~9:知三聚稠林)

又知眾生正定邪定不定相，所謂：正見正定相、邪見邪定相、二俱不定相、五逆邪定相、五根正定相、二俱不定相、八邪邪定相、正性正定相、更不作二俱離不定相、深著邪法邪定相、習行聖道正定相、二俱捨不定相。

佛子！菩薩隨順如是智慧，名：住善慧地；

(四/四:說法成就:稱根正授故)

住此地已，了知眾生諸行差別，教化調伏，令得解脫。

(3~1:智成就)

「佛子！此菩薩善能演說聲聞乘法、獨覺乘法、菩薩乘法、如來地法；一切行處，智隨行故，能隨眾生根、性、欲、解、所行有異、諸聚差別，亦隨受生、煩惱、眠、縛、諸業習氣而為說法，令生信解，增益智慧，各於其乘而得解脫。

(3~2:口業成就=作大法師，具法師行)

「佛子！菩薩住此善慧地，作大法師，具法師行，善能守護如來法藏，以無量善巧智，起四無礙辯，用菩薩言辭而演說法。此菩薩常隨四無礙智轉，無暫捨離。何等為四，所謂：法無礙智、義無礙智、辭無礙智、樂說無礙智。

(以依自相、同相…等十種相，廣明四無礙智相)

《10~1:知依自相》

此菩薩以法無礙智，知諸法自相；義無礙智，知諸法別相；辭無礙智，無錯謬說；樂說無礙智，無斷盡說。

《10~2:知依同相=約性與相，分於法義》

復次，以法無礙智，知諸法自性；義無礙智，知諸法生滅；辭無礙智，安立一切法不斷說；樂說無礙智，隨所安立，不可壞無邊說。

《10~3:知依行相=約三世以分法義》

復次，以法無礙智，知現在法差別；義無礙智，知過去、未來法差別；辭無礙智，於去、來、今法無錯謬說；樂說無礙智，於一一世無邊法明瞭說。

《10~4:知依說相=約本釋以分法義》

復次，以法無礙智，知法差別；義無礙智，知義差別；辭無礙智，隨其言音說；樂說無礙智，隨其心樂說。

《10~5:知依智相=約法類以分法義》

復次，法無礙智，以法智知差別不異；義無礙智，以比智知差別如實；辭無礙智，以世智差別說；樂說無礙智，以第一義智善巧說。

《10~6:知無我慢相=約真俗以分法義》

復次，法無礙智，知諸法一相不壞；義無礙智，知蘊、界、處、諦、緣起善巧；辭無礙智，以一切世間易解了美妙音聲、文字說；樂說無礙智，以轉勝無邊法明說。

《10~7:知大小乘相=約權實以分法義》

復次，法無礙智，知一乘平等性；義無礙智，知諸乘差別性；辭無礙智，說一切乘無差別；樂說無礙智，說一一乘無邊法。

《10~8:知菩薩地相=約地相以分法義》

復次，法無礙智，知一切菩薩行、智行、法行智隨證；義無礙智，知十地分位義差別；辭無礙智，說地道無差別相；樂說無礙智，說一一地無邊行相。

《10~9:知如來地相=約真應以分法義》

復次，法無礙智，知一切如來一念成正覺；義無礙智，知種種時、種種處等各差別；辭無礙智，說成正覺差別；樂說無礙智，於一一句法無量劫說不盡。

《10~10:知作住持相=常諸佛能說德，所說聲教，以分法義》

復次，法無礙智，知一切如來語、力、無所畏、不共佛法，大慈大悲，辯才方便，轉法輪，一切智智隨證；義無礙智，知如來隨八萬四千眾生心、行、根、解、差別音聲；辭無礙智，隨一切眾生行，以如來音聲差別說；樂說無礙智，隨眾生信解，以如來智清淨行圓滿說。

(3~3:法師自在成就，分《4》)

佛子！菩薩住第九地，得如是善巧無礙智，得如來妙法藏，作大法師，

《4~1:持成就》

得義陀羅尼、法陀羅尼、智陀羅尼、光照陀羅尼、善慧陀羅尼、眾財陀羅尼、威德陀羅尼、無礙門陀羅尼、無邊際陀羅尼、種種義陀羅尼，如是等百萬阿僧祇陀羅尼門皆得圓滿，以百萬阿僧祇善巧音聲辯才門而演說法。此菩薩得如是百萬阿僧祇陀羅尼門已，於無量佛所一一佛前，悉以如是百萬阿僧祇陀羅尼門聽聞正法，聞已不忘，以無量差別門為他演說。

《4~2:說成就》

《3~1:所受法多》

此菩薩初見於佛，頭頂禮敬，即於佛所得無量法門；此所得法門，非彼聞持諸大聲聞，於百千劫所能領受。

《3~2:能廣開演》

此菩薩得如是陀羅尼、如是無礙智，坐於法座而說於法；大千世界滿中眾生，隨其心樂差別為說；唯除諸佛及受職菩薩，其餘眾會威德光明無能與比。

《3~3:起說自在》

此菩薩處於法座，欲以一音，令諸大眾皆得解了，即得解了；或時欲以種種音聲，令諸大眾皆得開悟；或時心欲放大光明，演說法門；或時心欲於其身上——毛孔，皆演法音；或時心欲乃至三千大千世界所有一切形、無形物，皆悉演出妙法言音；或時心欲發一言音，周遍法界，悉令解了；或時心欲一切言音，皆作法音，恆住不滅；或時心欲一切世界簫、笛、鐘、鼓及以歌詠，一切樂聲皆演法音；或時心欲於一字中，一切法句言音差別，皆悉具足；或時心欲令不可說無量世界地、水、火、風四大聚中所有微塵，一一塵中皆悉演出不可說法門。如是所念，一切隨心，無不得者。

《4~3:答問成就》

「佛子！此菩薩，假使三千大千世界所有眾生咸至其前，一一皆以無量言音而興問難，一一問難各各不同；菩薩於一念頃悉能領受，仍以一音普為解釋，令隨心樂，各得歡喜。如是乃至不可說世界所有眾生，一剎那間，一一皆以無量言音而興問難，一一問難各各不同；菩薩於一念頃悉能領受，亦以一音普為解釋，各隨心樂，令得歡喜。乃至不可說不可說世界滿中眾生，菩薩皆能隨其心樂、隨根、隨解而為說法，承佛神力廣作佛事，普為一切作所依怙。

《4~4:受持成就》

佛子！此菩薩復更精進，成就智明。假使一毛端處有不可說世界微塵數諸佛眾會，一一眾會有不可說世界微塵數眾生，一一眾生有不可說世界微塵數性、欲，彼諸佛隨其性、欲各與法門；如一毛端處，一切法界處悉亦如是。如是所說無量法門，菩薩於一念中悉能領受，無有忘失。

（第九善慧地，位行，畢）

(第九善慧地，位果，3)

(3~1:調柔果之「調柔行體」)

「佛子！菩薩住此第九地，晝夜專勤更無餘念，唯入佛境界親近如來，入諸菩薩甚深解脫，常在三昧，恆見諸佛，未曾捨離。一一劫中見無量佛、無量百佛、無量千佛，乃至無量百千億那由他佛，恭敬尊重，承事供養，於諸佛所種種問難，得說法陀羅尼，所有善根轉更明淨。(法說)

譬如真金，善巧金師用作寶冠，轉輪聖王以嚴其首，四天下內一切小王及諸臣民諸莊嚴具無與等者；(喻說)

此第九地菩薩善根亦復如是，一切聲聞、辟支佛及下地菩薩所有善根無能與等。(總合說)

(3~1:調柔果之「教智淨」)

佛子！譬如二千世界主大梵天王，身出光明，二千界中幽遠之處悉能照耀，除其黑闇；此地菩薩所有善根亦復如是，能出光明照眾生心，煩惱黑闇皆令息滅。

(3~1:調柔果之「別地行相」)

此菩薩，十波羅蜜中，力波羅蜜最勝；餘波羅蜜非不修行，但隨力隨分。

「佛子！是名：略說菩薩摩訶薩第九善慧地；若廣說者，於無量劫亦不能盡。

(3~2:攝報果)

佛子！菩薩摩訶薩住此地，多作二千世界主大梵天王，善能統理，自在饒益，能為一切聲聞、緣覺及諸菩薩分別演說波羅蜜行；隨眾生心，所有問難無能屈者。佈施、愛語、利行、同事——如是一切諸所作業，皆不離念佛，乃至不離念一切種、一切智智。

復作是念：『我當於一切眾生中為首、為勝，乃至為一切智智依止者。』

此菩薩若發勤精進，於一念頃，得百萬阿僧祇國土微塵數三昧，乃至示現百萬阿僧祇國土微塵數菩薩以為眷屬；

(3~3:願智果)

若以菩薩殊勝願力自在示現，過於此數，乃至百千億那由他劫不能數知

(第九善慧地，位果，畢)

(頌，24)

爾時，金剛藏菩薩欲重宣其義而說頌曰：

(法師方便智，2)

無量智力善觀察，最上微妙世難知，普入如來祕密處，利益眾生入九地
總持三昧皆自在，獲大神通入眾刹，力智無畏不共法，願力悲心入九地

(智成就，2)

住於此地持法藏，了善不善及無記，有漏無漏世出世，思不思議悉善知
若法決定不決定，三乘所作悉觀察，有為無為行差別，如是而知入世間

(入行成就，7)

若欲知諸眾生心，則能以智如實知，種種速轉壞非壞，無質無邊等眾相
煩惱無邊恆共伴，眠起一義續諸趣，業性種種各差別，因壞果集皆能了
諸根種種下中上，先後際等無量別，解性樂欲亦復然，八萬四千靡不知
眾生惑見恆隨縛，無始稠林未除翦，與志共俱心並生，常相羈繫不斷絕
但唯妄想非實物，不離於心無處所，禪定境排仍退轉，金剛道滅方畢竟
六趣受生各差別，業田愛潤無明覆，識為種子名色芽，三界無始恆相續
惑業心習生諸趣，若離於此不復生；眾生悉在三聚中，或溺於見或行道

(智成就，0.5)

住於此地善觀察，隨其心樂及根解，

(口業成就，2)

悉以無礙妙辯才，如其所應差別說
處於法座如師子，亦如牛王寶山王，又如龍王布密雲，澍甘露雨充大海
善知法性及奧義，隨順言辭能辯說，

(法師自在成就中，持成就 1.5)

總持百萬阿僧祇，譬如大海受眾雨
總持三昧皆清淨，能於一念見多佛，一一佛所皆聞法，復以妙音而演暢
(法師自在成就中，說成就 1)

若欲三千大千界，教化一切諸群生，如雲廣佈無不及，隨其根欲悉令喜

(法師自在成就中，問答成就 1)

毛端佛眾無有數，眾生心樂亦無極，悉應其心與法門，一切法界皆如是

(法師自在成就中，受持+問答成就 2)

菩薩勤加精進力，復獲功德轉增勝，聞持爾所諸法門，如地能持一切種
十方無量諸眾生，咸來親近會中坐，一念隨心各問難，一音普對悉充足

(位果 4+結 1)

住於此地為法王，隨機誨誘無厭倦，日夜見佛未曾捨，入深寂滅智解脫
供養諸佛善益明，如王頂上妙寶冠，復使眾生煩惱滅，譬如梵王光普照
住此多作大梵王，以三乘法化眾生，所行善業普饒益，乃至當成一切智
一念所入諸三昧，阿僧祇剎微塵數，見佛說法亦復然，願力所作復過此
此是第九善慧地，大智菩薩所行處，甚深微妙難可見，我為佛子已宣說

(第九善慧地，畢)

(第十地【法雲地】，前第九善慧地，雖於一切品類說法中，得大自在，而未能得圓滿法身，現前證受。此第十地法雲地，於此地中，精勤修習，得圓滿法身。「雲」有智慧、法身、應身、多聞熏習等四義。於此地中，法身喻「雲」，謂以智慧含德，遍斷諸障，遍證法身故。登法王位，智滿行周，以大慈悲雲，於諸生死海，普降法雨，灌一切眾生心田，令長菩提之芽，無有休息。P86~97

(頌，16)

淨居天眾那由他，聞此地中諸勝行，空中踴躍心歡喜，悉共虔誠供養佛
不可思議菩薩眾，亦在空中大歡喜，俱然最上悅意香，普熏眾會令清淨
自在天王與天眾，無量億數在虛空，普散天衣供養佛，百千萬種繽紛下
天諸采女無有量，靡不歡欣供養佛，各奏種種妙樂音，以此言而讚歎：
佛身安坐一國土，一切世界悉現身，身相端嚴無量億，法界廣大悉充滿
於一毛孔放光明，普滅世間煩惱暗，國土微塵可知數，此光明數不可測
或見如來具眾相，轉於無上正法輪，或見遊行諸佛剎，或見寂然安不動
或現住於兜率宮，或現下生入母胎，或示住胎或出胎，悉令無量國中見
或現出家修世道，或現道場成正覺，或現說法或涅槃，普使十方無不睹。
譬如幻師知幻術，在於大眾多所作；如來智慧亦復然，於世間中普現身

佛住甚深真法性，寂滅無相同虛空，而於第一實義中，示現種種所行事所作利益眾生事，皆依法性而得有，相與無相無差別，入於究竟皆無相若有欲得如來智，應離一切妄分別，有無通達皆平等，疾作人天大導師無量無邊天女眾，種種言音稱讚已，身心寂靜共安樂，瞻養如來默然住即時菩薩解脫月，知諸眾會咸寂靜，向金剛藏而請言：大無畏者真佛子從第九地入十地，所有功德諸行相，及以神通變化作事，願聰慧者為宣說

(六/一:先攝前九地所修之白淨法，為成佛的總方便，得一切種智

=方便作滿足地分

六/二:因得一切種智，而得十種三昧=三昧分

六/三:當三昧現前時，得受此「法雲地」之位=入受位分

六/四:此法雲地中有「智大、解脫大」二種圓滿之「入大盡」=入大盡分

六/五:以 3~1:能受之德; 3~2:能滅之惑; 3~3 受生之善說明第十地之德

六/六:說明此第十地的神通力=神通力有上、無上分

(六/一:先攝前九地所修之白淨法，為成佛的總方便，得一切種智

=方便作滿足地分)

爾時，金剛藏菩薩摩訶薩告解脫月菩薩言：

「佛子！菩薩摩訶薩從初地乃至第九地，以如是無量智慧觀察覺了已，善思惟修習，善滿足白法，集無邊助道法，增長大福德智慧，廣行大悲，知世界差別，入眾生界稠林，入如來所行處，隨順如來寂滅行，常觀察如來力、無所畏、不共佛法，名為：得一切種、一切智智受職位。

(六/二:因得一切種智，而得十種三昧=三昧分)

「佛子！菩薩摩訶薩以如是智慧入受職地已，即得菩薩離垢三昧、入法界差別三昧、莊嚴道場三昧、一切種華光三昧、海藏三昧、海印三昧、虛空界廣大三昧、觀一切法自性三昧、知一切眾生心行三昧、一切佛皆現前三昧，如是等百萬阿僧祇三昧皆現在前。菩薩於此一切三昧，若入若起，皆得善巧，亦善了知一切三昧所作差別。其最後三昧，名：受一切智勝職位。

(六/三:當三昧現前時，得受此「法雲地」之位=得受位分，
=八十地時之「境界」為何，分《6》)

《6~1:隨何等座》

此三昧現在前時，有大寶蓮華忽然出生。其華廣大，量等百萬三千大千世界，以眾妙寶間錯莊嚴，超過一切世間境界；出世善根之所生起，知諸法如幻性眾行所成，恆放光明普照法界，非諸天處之所能有；毘琉璃摩尼寶為莖，栴檀王為臺，碼瑙為鬚，閻浮檀金為葉，其華常有無量光明，眾寶為藏，寶網彌覆，十三大千世界微塵數蓮華以為眷屬。

《6~2:隨何等身》

爾時，菩薩坐此華座，身相大小正相稱可；

《6~3:隨何等眷屬》

無量菩薩以為眷屬，各坐其餘蓮華之上，周匝圍遶，一一各得百萬三昧，向大菩薩一心瞻仰。

《6~4:隨何等相》

「佛子！此大菩薩並其眷屬坐華座時，所有光明及以言音普皆充滿十方法界，一切世界咸悉震動，惡趣休息，國土嚴淨，同行菩薩靡不來集，人天音樂同時發聲，所有眾生悉得安樂，以不思議供養之具供一切佛，諸佛眾會悉皆顯現。

《6~5:隨何出處，十處出光，令惡道出離，菩薩增行故，有《4》》

《4~1:舒光作業》《前七光是有益業，前五益凡，後二益小乘》

「佛子！此菩薩坐彼大蓮華座時，於兩足下放百萬阿僧祇光明，普照十方諸大地獄，滅眾生苦；於兩膝輪放百萬阿僧祇光明，普照十方諸畜生趣，滅眾生苦；於臍輪中放百萬阿僧祇光明，普照十方閻羅王界，滅眾生苦；從左右脅放百萬阿僧祇光明，普照十方一切人趣，滅眾生苦；從兩手中放百萬阿僧祇光明，普照十方一切諸天及阿脩羅所有宮殿；從兩肩上放百萬阿僧祇光明，普照十方一切聲聞；從其項背放百萬阿僧祇光明，普照十方辟支佛身；

《第八光有二業半，一益九地已還菩薩，二發覺令知故》

從其面門放百萬阿僧祇光明，普照十方初始發心乃至九地諸菩薩身；

《第九光二業半，一益等位菩薩，二發覺令知故》

從兩眉間放百萬阿僧祇光明，普照十方受職菩薩，令魔宮殿悉皆不現；

《第十頂光，但有發覺》

從其頂上放百萬阿僧祇三千大千世界微塵數光明，普照十方一切世界諸佛如來道場眾會，右遶十匝，住虛空中，成光明網，名：熾然光明，發起種種諸供養事供養於佛，餘諸菩薩從初發心乃至九地所有供養而比於此，百分不及一，乃至算數譬諭所不能及。其光明網普於十方一一如來眾會之前，雨眾妙香、華鬘、衣服、幢幡、寶蓋、諸摩尼等莊嚴之具以為供養，皆從出世善根所生，超過一切世間境界。若有眾生見知此者，皆於阿耨多羅三藐三菩提得不退轉。

「佛子！此大光明作於如是供養事畢，復遶十方一切世界一一諸佛道場眾會，經十匝已，從諸如來足下而入。

《4~2: 眾聖都知》

爾時，諸佛及諸菩薩，知某世界中，某菩薩摩訶薩能行如是廣大之行到受職位。

《4~3: 下位奔風》

佛子！是時，十方無量無邊乃至九地諸菩薩眾皆來圍遶，恭敬供養，一心觀察。正觀察時，其諸菩薩即各獲得十千三昧。

《4~4: 同聲相應》

當爾之時，十方所有受職菩薩，皆於金剛莊嚴臆德相中出大光明，名：能壞魔怨，百萬阿僧祇光明以為眷屬，普照十方，現於無量神通變化；作是事已，而來入此菩薩摩訶薩金剛莊嚴臆德相中；其光入已，令此菩薩所有智慧、勢力增長過百千倍。

《6~6:隨所得位》

「爾時，十方一切諸佛從眉間出清淨光明，名：增益一切智神通，無數光明以為眷屬，普照十方一切世界，右遶十匝，示現如來廣大自在，開悟無量百千億那由他諸菩薩眾，周遍震動一切佛刹，滅除一切諸惡道苦，隱蔽一切諸魔宮殿，示一切佛得菩提處道場眾會莊嚴威德；如是普照盡虛空遍法界一切世界已，而來至此菩薩會上周匝右遶，示現種種莊嚴之事；現是事已，從大菩薩頂上而入，其眷屬光明亦各入彼諸菩薩頂。當爾之時，此菩薩得先所未得百萬三昧，名為：已得受職之位，入佛境界，具足十力，墮在佛數。

（以比喻說明「得受位分」）

佛子！如轉輪聖王所生太子，母是正後，身相具足。其轉輪王令此太子坐白象寶妙金之座，張大網幔，建大幢幡，然香散花，奏諸音樂，取四大海水置金瓶內，王執此瓶灌太子頂，是時即名：受王職位，墮在灌頂刹利王數，即能具足行十善道，亦得名為：轉輪聖王。菩薩受職亦復如是，諸佛智水灌其頂故，名為：受職；具足如來十種力故，墮在佛數。

佛子！是名：菩薩受大智職。菩薩以此大智職故，能行無量百千萬億那由他難行之行，增長無量智慧功德，名為：安住法雲地。

（六/四:此法雲地中有「智大、解脫大」二種圓滿之「入大盡」=入大盡分以修行已盡圓滿之盡頭，有《2~1 智大》、《2~2 解脫大》）

《2~1:智大中，有《7種智大》》

《7~1:集智大》

「佛子！菩薩摩訶薩住此法雲地，如實知欲界集、色界集、無色界集、世界集、法界集、有為界集、無為界集、眾生界集、識界集、虛空界集、涅槃界集。此菩薩如實知諸見煩惱行集，知世界成壞集，知聲聞行集、辟支佛行集、菩薩行集、如來力無所畏色身法身集、一切種一切智智集、示得菩提轉法輪集、入一切法分別決定智集。舉要言之，以一切智，知一切集。

《7~2:應化智大》

佛子！此菩薩摩訶薩以如是上上覺慧，如實知眾生業化、煩惱化、諸見化、世界化、法界化、聲聞化、辟支佛化、菩薩化、如來化、一切分別無分別化，如是等皆如實知。

《7~3:加持智大》

又如實知佛持、法持、僧持、業持、煩惱持、時持、願持、供養持、行持、劫持、智持，如是等皆如實知。

《7~4:微細智大》

又如實知諸佛如來入微細智，所謂：修行微細智、命終微細智、受生微細智、出家微細智、現神通微細智、成正覺微細智、轉法輪微細智、住壽命微細智、般涅槃微細智、教法住微細智，如是等皆如實知。

《7~5:密處智大》

又入如來祕密處，所謂：身祕密、語祕密、心祕密、時非時思量祕密、授菩薩記祕密、攝眾生祕密、種種乘祕密、一切眾生根行差別祕密、業所作祕密、得菩提行祕密，如是等皆如實知。

《7~6:入劫智大》

又知諸佛所有入劫智，所謂：一劫入阿僧祇劫、阿僧祇劫入一劫、有數劫入無數劫、無數劫入有數劫、一念入劫、劫入一念、劫入非劫、非劫入劫、有佛劫入無佛劫、無佛劫入有佛劫、過去未來劫入現在劫、現在劫入過去未來劫、過去劫入未來劫、未來劫入過去劫、長劫入短劫、短劫入長劫，如是等皆如實知。

《7~7:入道智大》

又知如來諸所入智，所謂：入毛道智、入微塵智、入國土身正覺智、入眾生身正覺智、入眾生心正覺智、入眾生行正覺智、入隨順一切處正覺智、入示現遍行智、入示現順行智、入示現逆行智、入示現思議不思議世間了知不了知行智、入示現聲聞智辟支佛智菩薩行如來行智。

佛子！一切諸佛所有智慧廣大無量，此地菩薩皆能得入。

(《2~2 解脫大》)

「佛子！菩薩摩訶薩住此地，即得菩薩不思議解脫、無障礙解脫、淨觀察解脫、普照明解脫、如來藏解脫、隨順無礙輪解脫、通達三世解脫、法界藏解脫、光明輪解脫、無餘境界解脫；此十為首，有無量百千阿僧祇解脫門，皆於此第十地中得。如是乃至無量百千阿僧祇三昧門、無量百千阿僧祇陀羅尼門、無量百千阿僧祇神通門，皆悉成就。

(六/五:以 3~1:能受之德； 3~2:能滅之惑； 3~3 受生之善說明第十地之德

(3~1:能受之德，首先「總顯」)

佛子！此菩薩摩訶薩通達如是智慧，隨順無量菩提，成就善巧念力，

(3~1:能受之德，別顯受法之相《3》)

《3~1:總顯受多，1. 2. 3. 為法、喻、合》

1. 十方無量諸佛所有無量大法明、大法照、大法雨，於一念頃皆能安、能受、能攝、能持。
2. 譬如娑伽羅龍王所澍大雨，唯除大海，餘一切處皆不能安、不能受、不能攝、不能持。
3. 如來祕密藏大法明、大法照、大法雨亦復如是，唯除第十地菩薩，餘一切眾生、聲聞、獨覺乃至第九地菩薩，皆不能安、不能受、不能攝、不能持。

《3~2 歷數顯多》

佛子！譬如大海，能安、能受、能攝、能持一大龍王所澍大雨；若二、若三乃至無量諸龍王雨，於一念間一時澍下，皆能安、能受、能攝、能持。何以故？以是無量廣大器故。住法雲地菩薩亦復如是，能安、能受、能攝、能持一佛法明、法照、法雨；若二、若三乃至無量，於一念頃一時演說，悉亦如是。是故此地名為：法雲。」

《3~3:問答顯多》

解脫月菩薩言：「佛子！此地菩薩於一念間，能於幾如來所安受攝持大法明、大法照、大法雨？」

金剛藏菩薩言：「佛子！不可以算數能知，我當為汝說其譬諭。佛子！譬

如十方各有十不可說百千億那由他佛剎微塵數世界，其世界中一一眾生皆得聞持陀羅尼，為佛侍者，聲聞眾中多聞第一，如金剛蓮華上佛所大勝比丘；然一眾生所受之法，餘不重受。佛子！於汝意云何？此諸眾生所受之法為有量耶？為無量耶？」

解脫月菩薩言：「其數甚多，無量無邊。」

金剛藏菩薩言：

「佛子！我為汝說，令汝得解。佛子！此法雲地菩薩，於一佛所一念之頃，所安、所受、所攝、所持大法明、大法照、大法雨、三世法藏，前爾所世界一切眾生所聞持法，於此百分不及一，乃至譬論亦不能及。如一佛所，如是十方如前所說，爾所世界微塵數佛復過此數，無量無邊，於彼一一諸如來所所有法明、法照、法雨、三世法藏，皆能安、能受、能攝、能持，是故此地名為：法雲。」

(3~2: 能滅之惑)

佛子！此地菩薩以自願力，起大悲雲，震大法雷，通、明、無畏以為電光，福德、智慧而為密雲，現種種身，周旋往返，於一念頃，普遍十方百千億那由他世界微塵數國土，演說大法，摧伏魔怨；復過此數，於無量百千億那由他世界微塵數國土，隨諸眾生心之所樂，澍甘露雨，滅除一切眾惑塵焰。是故此地名為：法雲。

(3~3 受生之善)

佛子！此地菩薩於一世界從兜率天下乃至涅槃，隨所應度眾生心而現佛事；若二、若三，乃至如上微塵數國土，復過於此，乃至無量百千億那由他世界微塵數國土，皆亦如是。是故此地名為：法雲。

(六/六: 說明此第十地的神通力=神通力有上、無上; 有《3》部分)

《3~1: 依內在智慧起神通力》

「佛子！此地菩薩智慧明達，神通自在。」

《3~2:依外在業用》，起神通力，有《2 》》（轉變外事為神通自相）

《2~1:轉成外事，有『3』）

《2~1:轉成外事之『3~1』:同類略、廣轉》

隨其心念，能以狹世界作廣世界，廣世界作狹世界；

《2~1:轉成外事之『3~2』:淨垢異事轉》

垢世界作淨世界，淨世界作垢世界；亂住、次住、倒住、正住，如是無量一切世界皆能互作。

《2~1:轉成外事之『3~3』:自在轉》

或隨心念，於一塵中置一世界須彌盧等一切山川，塵相如故，世界不減；或復於一微塵之中置二、置三，乃至不可說世界須彌盧等一切山川，而彼微塵體相如本，於中世界悉得明現。或隨心念，於一世界中示現二世界莊嚴，乃至不可說世界莊嚴；或於一世界莊嚴中示現二世界，乃至不可說世界。或隨心念，以不可說世界中眾生置一世界；或隨心念，以一世界中眾生置不可說世界，而於眾生無所憍害。

《2~2:應化自身》

或隨心念，於一毛孔示現一切佛境界莊嚴之事。

《3~3:作住持相，常用不絕》

或隨心念，於一念中示現不可說世界微塵數身，一一身示現如是微塵數手，一一手各執恆河沙數華鬘、香篋、鬘蓋、幢幡，周遍十方，供養於佛；一一身復示現爾許微塵數頭，一一頭復現爾許微塵數舌，於唵唵中，周遍十方，歎佛功德。或隨心念，於一念間普遍十方，示成正覺乃至涅槃，及以國土莊嚴之事；或現其身普遍三世，而於身中有無量諸佛及佛國土莊嚴之事，世界成壞靡不皆現；或於自身一毛孔中出一切風，而於眾生無所惱害。或隨心念，以無邊世界為一大海，此海水中現大蓮華，光明嚴好，遍覆無量無邊世界，於中示現大菩提樹莊嚴之事，乃至示成一切種智；或於其身現十方世界一切光明，摩尼寶珠、日月星宿、雲電等光靡不皆現；或以口噓氣，能動十方無量世界，而不令眾生有驚怖想；或現十方風災、火災及以水災；或隨眾生心之所樂，示現色身，莊嚴具足；或於自

身示現佛身，或於佛身而現自身；或於佛身現已國土，或於已國土而現佛身。

佛子！此法雲地菩薩能現如是及餘無量百千億那由他自在神力。」

（眾生對菩薩及佛的神通力有所疑問，斷其疑也，有《2》）

《2~1:十地菩薩的神通力，是無上的》

爾時，會中諸菩薩及天、龍、夜叉、乾闥婆、阿脩羅、護世四王、釋提桓因、梵天、淨居、摩醯首羅諸天子等，咸作是念：「若菩薩神通智力能如是者，佛復云何？」

爾時，解脫月菩薩知諸眾會心之所念，白金剛藏菩薩言：「佛子！今此大眾聞其菩薩神通智力，墮在疑網。善哉仁者！為斷彼疑，當少示現菩薩神力莊嚴之事。」

（金剛藏菩薩入一切佛國土體性三昧，而現神通）

時，金剛藏菩薩即入一切佛國土體性三昧。入此三昧時，諸菩薩及一切大眾，皆自見身在金剛藏菩薩身內，於中悉見三千大千世界，所有種種莊嚴之事，經於億劫說不能盡。又於其中見菩提樹，其身周圍十萬三千大千世界，高百萬三千大千世界，枝葉所蔭亦復如是。稱樹形量，有師子座，座上有佛，號：一切智通王。一切大眾悉見其佛坐菩提樹下師子座上，種種諸相以為莊嚴，假使億劫說不能盡。金剛藏菩薩示現如是大神力已，還令眾會各在本處。時，諸大眾得未曾有，生奇特想，默然而住，向金剛藏一心瞻仰。

（答三昧之名）

爾時，解脫月菩薩白金剛藏菩薩言：「佛子！今此三昧，甚為希有，有大勢力，其名何等？」金剛藏言：「此三昧名：一切佛國土體性。」

（一切佛國土體性三昧之業用自在）

又問：「此三昧境界云何？」答言：

「佛子！若菩薩修此三昧，隨心所念，能於身中現恆河沙世界微塵數佛剎，復過此數，無量無邊。」

（菩薩住法雲地所得三昧，顯類廣多）

「佛子！菩薩住法雲地，得如是等無量百千諸大三昧，故此菩薩身、身業不可測知，語、語業，意、意業，神通自在，觀察三世三昧境界、智慧境界，遊戲一切諸解脫門；變化所作、神力所作、光明所作，略說乃至舉足、下足，如是一切諸有所作，乃至法王子、住善慧地菩薩皆不能知。佛子！此法雲地菩薩所有境界，略說如是；若廣說者，假使無量百千阿僧祇劫亦不能盡。」

《2~2:佛的神通力如何？菩薩的神通力，是劣於佛的=神通力有上》

解脫月菩薩言：「佛子！若菩薩神通境界如是，佛神通力其復云何？」

金剛藏言：

「佛子！譬如有人，於四天下取一塊土，而作是言：『為無邊世界大地土多，為此土多？』我觀汝問亦復如是，如來智慧無邊無等，云何而與菩薩比量？復次，佛子！如四天下取少許土，餘者無量；此法雲地神通智慧，於無量劫但說少分，況如來地！佛子！我今為汝引事為證，令汝得知如來境界。佛子！假使十方，一一方各有無邊世界微塵數諸佛國土，一一國土得如是地菩薩充滿，如甘蔗、竹、葦、稻、麻、叢林，彼諸菩薩於百千億那由他劫修菩薩行所生智慧，比一如來智慧境界，百分不及一，乃至優波尼沙陀分亦不能及。

（第十地善慧地，位行，畢）

（第十地善慧地，位果，有《3》）

《3~1:調柔果之「調柔行」》

「佛子！此菩薩住如是智慧，不異如來身、語、意業，不捨菩薩諸三昧力，於無數劫承事供養一切諸佛，一一劫中以一切種供養之具而為供養。一切諸佛神力所加，智慧光明轉更增勝，於法界中所有問難善為解釋，百千億劫無能屈者。佛子！譬如金師以上妙真金作嚴身具，大摩尼寶鈿廁其間，自在天王身自服戴，其餘天人莊嚴之具所不能及；此地菩薩亦復如是，始從初地乃至九地，一切菩薩所有智行皆不能及。

《3~1:調柔果之「教智淨」》

此地菩薩智慧光明，能令眾生乃至入於一切智智，餘智光明無能如是。佛子！譬如摩醯首羅天王光明，能令眾生身心清涼，一切光明所不能及；此

地菩薩智慧光明亦復如是，能令眾生皆得清涼，乃至住於一切智智，一切聲聞、辟支佛乃至第九地菩薩智慧光明悉不能及。

《3~1:調柔果之「勝過自在」》

佛子！此菩薩摩訶薩已能安住如是智慧，諸佛世尊復更為說三世智、法界差別智、遍一切世界智、照一切世界智、慈念一切眾生智，舉要言之，乃至為說得一切智智。

《3~1:調柔果之「別地行相」》

此菩薩，十波羅蜜中，智波羅蜜最為增上；餘波羅蜜非不修行。

「佛子！是名：略說菩薩摩訶薩第十法雲地；若廣說者，假使無量阿僧祇劫亦不能盡。

《3~2:攝報果》

佛子！菩薩住此地，多作摩醯首羅天王，於法自在，能授眾生、聲聞、獨覺、一切菩薩波羅蜜行，於法界中所有問難無能屈者。佈施、愛語、利行、同事——如是一切諸所作業，皆不離念佛，乃至不離念具足一切種、一切智智。復作是念：『我當於一切眾生為首、為勝，乃至為一切智智依止者。』若勤加精進，於一念頃，得十不可說百千億那由他佛剎微塵數三昧，乃至示現爾所微塵數菩薩以為眷屬；

《3~3:願智果》

若以菩薩殊勝願力自在示現，過於此數，所謂：若修行、若莊嚴、若信解、若所作、若身、若語、若光明、若諸根、若神變、若音聲、若行處，乃至百千億那由他劫不能數知。

（第十地法雲地，位果，畢）

(以下是從第一地到第十地的大分科：

一、序分；

二、三昧分；

三、加分；

四、起分；

五、本分(列十名以顯地相、顯十方同說歎地要勝)；

六、請分(三家五請)

七、說分(詳說十地之位行、位果)(8冊 p1325~9冊 p1676)(本文 P7~97)

八、地影像分(以池、山、海、珠四種喻，說明阿含德(前2)，證德(後2))

九、地利益分(顯法利益中，有生信功德及供養功德)

十、地重頌分

(現，由第一地~~十地各均已說畢，回到之前大科文之第八項)

【八、地影像分】以池、山、海、珠四種喻，

說明阿含德(前2)，證德(後2)

(4~1:池喻=諸地中，起修之行的修行功德

4~2:山喻=依修行成德，德位高出之「勝功德」

4~3:海喻=難度能度大果功德，修所成德，能至大果

4~4:珠喻=轉盡堅固功德，由初地轉至法雲地障盡證堅故) (P. 98~100)

(4~1:池喻=諸地中，起修之行的修行功德)

「佛子！此菩薩摩訶薩十地行相次第現前，則能趣入一切智智。譬如阿耨達池出四大河，其河流注遍閻浮提，既無盡竭，復更增長，乃至入海，令其充滿。佛子！菩薩亦爾，從菩提心流出善根大願之水，以四攝法充滿眾生，無有窮盡，復更增長，乃至入於一切智海，令其充滿。

(4~2:山喻=依修行成德，德位高出之「勝功德」)

1「佛子！菩薩十地，因佛智故而有差別，(總說於法)

2如因地有十山王。何等為十？所謂：雪山王、香山王、鞞陀梨山王、神仙山王、由乾陀山王、馬耳山王、尼民陀羅山王、斫羯羅山王、計都末底山王、須彌盧山王。(總顯於喻)

(法喻對顯)

3 佛子！如雪山王，一切藥草咸在其中，取不可盡；菩薩所住歡喜地亦復如是，一切世間經書、技藝、文頌、咒術咸在其中，說不可盡。佛子！如香山王，一切諸香咸集其中，取不可盡；菩薩所住離垢地亦復如是，一切菩薩戒行、威儀咸在其中，說不可盡。佛子！如鞞陀梨山王，純寶所成，一切眾寶咸在其中，取不可盡；菩薩所住發光地亦復如是，一切世間禪定神通、解脫三昧、三摩鉢底咸在其中，說不可盡。佛子！如神仙山王，純寶所成，五通神仙咸住其中，無有窮盡；菩薩所住焰慧地亦復如是，一切道中殊勝智慧咸在其中，說不可盡。佛子！如由乾陀羅山王，純寶所成，夜叉大神咸住其中，無有窮盡；菩薩所住難勝地亦復如是，一切自在如意神通咸在其中，說不可盡。佛子！如馬耳山王，純寶所成，一切諸果咸在其中，取不可盡；菩薩所住現前地亦復如是，入緣起理聲聞果證咸在其中，說不可盡。如尼民陀羅山王，純寶所成，大力龍神咸住其中，無有窮盡；菩薩所住遠行地亦復如是，方便智慧獨覺果證咸在其中，說不可盡。如斫羯羅山王，純寶所成，諸自在眾咸住其中，無有窮盡；菩薩所住不動地亦復如是，一切菩薩自在行差別世界咸在其中，說不可盡。如計都山王，純寶所成，大威德阿脩羅王咸住其中，無有窮盡；菩薩所住善慧地亦復如是，一切世間生滅智行咸在其中，說不可盡。如須彌盧山王，純寶所成，大威德諸天咸住其中，無有窮盡；菩薩所住法雲地亦復如是，如來力、無畏、不共法、一切佛事咸在其中，問答宣說不可窮盡。

4 「佛子！此十寶山王，同在大海，差別得名；菩薩十地亦復如是，同在一一切智中，差別得名。

(總結法喻)

(4~3:大海十相，海喻=難度能度大果功德，修所成德，能至大果)

佛子！譬如大海，以十種相，得大海名，不可移奪。何等為十？一、次第漸深；二、不受死屍；三、餘水入中皆失本名；四、普同一味；五、無量珍寶；六、無能至底；七、廣大無量；八、大身所居；九、潮不過限；十、普受大雨，無有盈溢。菩薩行亦復如是，以十相故，名菩薩行，不可移奪。何等為十？所謂歡喜地，出生大願漸次深故；離垢地，不受一切破戒屍故；發光地，捨離世間假名字故；焰慧地，與佛功德同一味故；難勝

地，出生無量方便神通、世間所作眾珍寶故；現前地，觀察緣生甚深理故；遠行地，廣大覺慧善觀察故；不動地，示現廣大莊嚴事故；善慧地，得深解脫行於世間，如實而知不過限故；法雲地，能受一切諸佛如來大法明雨無厭足故。

(4~4:寶珠喻，轉盡堅固功德，即由初地至法雲地，障盡證堅固故)

佛子！譬如大摩尼珠有十種性出過眾寶。何等為十？一者從大海出；二者巧匠治理；三者圓滿無缺；四者清淨離垢；五者內外明徹；六者善巧鑽穿；七者貫以寶縷；八者置在琉璃高幢之上；九者普放一切種種光明；十者能隨王意雨眾寶物，如眾生心充滿其願。佛子！當知菩薩亦復如是，有十種事出過眾聖。何等為十？一者發一切智心；二者持戒頭陀，正行明淨；三者諸禪三昧，圓滿無缺；四者道行清白，離諸垢穢；五者方便神通，內外明徹；六者緣起智慧，善能鑽穿；七者貫以種種方便智縷；八者置於自在高幢之上；九者觀眾生行，放聞持光；十者受佛智職，墮在佛數，能為眾生廣作佛事。

九、地利益分(顯法利益中，有生信功德及供養功德) (P.100~101)

(生信功德中，2~1:說益生信)

「佛子！此集一切種、一切智功德菩薩行法門品，若諸眾生不種善根不可得聞。」

解脫月菩薩言：「聞此法門，得幾所福？」

金剛藏菩薩言：「如一切智所集福德，聞此法門福德如是。何以故？非不聞此功德法門而能信解、受持、讀誦，何況精進、如說修行！是故當知，要得聞此集一切智功德法門，乃能信解、受持、修習，然後至於一切智地。」

(生信功德中，2~2:動地生信)

爾時，佛神力故，法如是故，十方各有十億佛剎微塵數世界六種十八相動。所謂：動、遍動、等遍動，起、遍起、等遍起，湧、遍湧、等遍湧，震、遍震、等遍震，吼、遍吼、等遍吼，擊、遍擊、等遍擊。

(供養功德)

雨眾天華、天鬘、天衣，及諸天寶莊嚴之具、幢幡、繒蓋。奏天妓樂，其音和雅，同時發聲，讚一切智地所有功德。

(結通十方)

如此世界他化自在天王宮演說此法，十方所有一切世界悉亦如是。

(他方來證)

爾時，復以佛神力故，十方各十億佛剎微塵數世界外，有十億佛剎微塵數菩薩而來此會，作如是言：「善哉善哉！金剛藏！快說此法。我等悉亦同名：金剛藏，所住世界各各差別，悉名：金剛德，佛號：金剛幢。我等住在本世界中，皆承如來威神之力而說此法，眾會悉等，文字句義與此所說無有增減；悉以佛神力而來此會，為汝作證。如我等今者入此世界，如是十方一切世界悉亦如是而往作證。」

十、地重頌分(十地品最後總重頌，42) (P. 101~103)

爾時，金剛藏菩薩觀察十方一切眾會，普周法界，欲讚歎發一切智智心，欲示現菩薩境界，欲淨治菩薩行力，欲說攝取一切種智道，欲除滅一切世間垢，欲施與一切智，欲示現不思議智莊嚴，欲顯示一切菩薩諸功德，欲令如是地義轉更開顯，承佛神力而說頌言：

(總讚勸聽，1)

其心寂滅恆調順，平等無礙如虛空，離諸垢濁住於道，此殊勝行汝應聽

(頌前九地同相中，善擇功德，2.5)

百千億劫修諸善，供養無量無邊佛，聲聞獨覺亦復然，為利眾生發大心
精勤持戒常柔忍，慚愧福智皆具足，志求佛智修廣慧，願得十力發大心
三世諸佛咸供養，一切國土悉嚴淨，

(頌諸地別義，10.5)

了知諸法皆平等，為利眾生發大心
住於初地生是心，永離眾惡常歡喜，願力廣修諸善法，以悲愍故入後位

戒聞具足念眾生，滌除垢穢心明潔，觀察世間三毒火，廣大解者趣三地
三有一切皆無常，如箭入身苦熾然，厭離有為求佛法，廣大智人趣焰地
念慧具足得道智，供養百千無量佛，常觀最勝諸功德，斯人趣入難勝地
智慧方便善觀察，種種示現救眾生，復供十力無上尊，趣入無生現前地
世所難知而能知，不受於我離有無，法性本寂隨緣轉，得此微妙向七地
智慧方便心廣大，難行難伏難了知，雖證寂滅勤修習，能趣如空不動地
佛勸令從寂滅起，廣修種種諸智業，具十自在觀世間，以此而昇善慧地
以微妙智觀眾生，心行業惑等稠林，為欲化其令趣道，演說諸佛勝義藏
次第修行具眾善，乃至九地集福慧，常求諸佛最上法，得佛智水灌其頂

(三昧分，1)

獲得無數諸三昧，亦善了知其作業，最後三昧名受職，住廣大境恆不動

(受位分，5.5)

菩薩得此三昧時，大寶蓮華忽然現，身量稱彼於中坐，佛子圍遶同觀察
放大光明百千億，滅除一切眾生苦，復於頂上放光明，普入十方諸佛會
悉住空中作光網，供養佛已從足入；即時諸佛悉了知，今此佛子登職位
十方菩薩來觀察，受職大士舒光照；諸佛眉間亦放光，普照而來從頂入
十方世界咸震動，一切地獄苦消滅；是時諸佛與其職，如轉輪王第一子
若蒙諸佛與灌頂，是則名登法雲地，

(大盡分，3.5)

智慧增長無有邊，開悟一切諸世間
欲界色界無色界，法界世界眾生界，有數無數及虛空，如是一切咸通達
一切化用大威力，諸佛加持微細智，祕密劫數毛道等，皆能如實而觀察
受生捨俗成正道，轉妙法輪入涅槃，乃至寂滅解脫法，及所未說皆能了

(釋名分，3)

菩薩住此法雲地，具足念力持佛法，譬如大海受龍雨，此地受法亦復然
十方無量諸眾生，悉得聞持持佛法，於一佛所所聞法，過於彼數無有量
以昔智願威神力，一念普遍十方土，澍甘露雨滅煩惱，是故佛說名法雲

(神通力有上無上分，2)

神通示現遍十方，超出人天世間境，復過是數無量億，世智思惟必迷悶
一舉足量智功德，乃至九地不能知，何況一切諸眾生，及以聲聞辟支佛

(位果，4.5)

此地菩薩供養佛，十方國土悉周遍，亦供現前諸聖眾，具足莊嚴佛功德
住於此地復為說，三世法界無礙智，眾生國土悉亦然，乃至一切佛功德
此地菩薩智光明，能示眾生正法路，自在天光除世暗，此光滅暗亦如是
住此多作三界王，善能演說三乘法，無量三昧一念得，所見諸佛亦如是
此地我今已略說，若欲廣說不可盡。

(山喻，3.5)

如是諸地佛智中，如十山王嶷然住
初地藝業不可盡，譬如雪山集眾藥；二地戒聞如香山；三如鞞陀發妙華
焰慧道寶無有盡，譬如仙山仁善住；五地神通如由乾；六如馬耳具眾果
七地大慧如尼民；八地自在如輪圍；九如計都集無礙；十如須彌具眾德

(海喻，2)

初地願首二持戒；三地功德四專一；五地微妙六甚深；七廣大慧八莊嚴
九地思量微妙義，出過一切世間道；十地受持諸佛法，如是行海無盡竭

(珠喻，2)

十行超世發心初，持戒第二禪第三，行淨第四成就五，緣生第六貫穿七
第八置在金剛幢，第九觀察眾稠林，第十灌頂隨王意，如是德寶漸清淨

(利益+結，1)

十方國土碎為塵，可於一念知其數，毫末度空可知量，億劫說此不可盡」

(十地品，畢)